

少先書院

附胡左嘉言

商務印書館印行

曾文正公嘉言鈔序

曾文正者豈惟近代蓋有史以來不一二覩之大人也已豈惟我國抑全世界不一二覩之大人也已然而文正固非有超羣絕倫之天才在並時諸賢傑中稱最鈍拙其所遭值事會亦終身在拂逆之中然乃立德立功立言三並不朽所成就震古鑠今而莫與京者其一生得力在立志自拔於流俗而困而知而勉而行歷百千艱阻而不挫屈不求近效銖積寸累受之以虛

將之以勤植之以剛貞之以恆帥之以誠勇猛
精進堅苦卓絕如斯而已如斯而已孟子曰人
皆可以爲堯舜堯舜信否盡人皆可學焉而至
吾不敢言若曾文正之盡人皆可學焉而至吾
所敢言也何也文正所受於天者良無以異於
人也且人亦孰不欲向上然生當學絕道喪人
欲橫流之會窳敗之習俗以雷霆萬鈞之力相
罩相壓非甚強毅者固不足以抗圉之苟卿亦
有言庸衆驚散則劫之以師友而嚴師畏友又

非可亟得之於末世則夫滔滔者之日趨於下
更奚足怪其一二有志之士其亦惟乞靈典冊
得片言單義而持守之以自鞭策自夾輔自營
養猶或可以防杜墮落而漸進於高明古人所
以得一善則拳拳服膺而日三復而終身誦焉
也抑先聖之所以扶世教正人心者四書六經
亦蓋備矣然義豐詞約往往非末學所驟能領
會且亦童而習焉或以爲陳言而忽不加省也
近古諸賢闡揚輔導之言益汗牛充棟然其義

大率偏於收歛而貧於發揚夫人生數十寒暑受其羣之蔭以獲自存則於其羣豈能不思所報報之則必有事焉非曰逃虛守靜而即可以告無罪也明矣於是乎不能不日與外境相接構且既思以己之所信易天下則行且終其身以轉戰於此濁世若何而後能磨練其身心以自立於不敗若何而後能遇事物泛應曲當無所撓枉天下最大之學問殆無以過此非有所程式而養之於素其孰能致者曾文正之歿去

今不過數十年國中之習尙事勢皆不甚相遠而文正以樸拙之姿起家寒素飽經患難丁人
心陷溺之極運終其生於挫折譏妒之林惟恃
一己之心力不吐不茹不靡不回卒乃變舉世
之風氣而挽一時之浩刼彼其所言字字皆得
之閱歷而切於實際故其親切有味資吾儕當
前之受用者非唐宋以後儒先之言所能逮也
孟子曰聞伯夷之風者懦夫有立志又曰奮乎
百世之上百世之下聞者莫不興起况相去僅

一世遺澤未斬模楷在望者耶則茲編也其真
全國人之布帛菽粟而斯須不可去身者也丙
辰二月朔新會梁啓超

鈔例

一是編從金陵刻本曾文正全集中書札家書
家訓日記文集五種摘鈔其餘嘉言散見他
種遺著者姑付闕如

一是編原取自便省覽故務求簡要往往一段
之中僅節數語不嫌割裂但求受用耳亦有
同此一義而屢見屢鈔者以存文正強聒不
舍之眞亦使讀者得時習而悅之益
一文正居大亂之世半生治軍是編所鈔言戰

事者亦什之一二、其爲軍人寶鑑、固無待言、
卽非軍人、亦當涵詠其理而善推之於用、蓋
人生天地間、本以奮鬪爲生涯、何時何事、非
在戰爭中者、是編所鈔關於軍事之諸條、吾
確信凡任事者、苟能體其意而服膺之、必終
身受用不盡也、

一是編所鈔關於觀人用人之諸條、讀者或以
爲文正秉權勢、居高位、故能爾爾、吾儕則無
需此、其實不然、人無論居何地位、執何職業、

皆須與人共事求友求助。苟善讀此，無往而不自得師也。

一文正於學術文藝，獨得處甚多，垂訓亦至精。今所鈔從略。

一胡文忠左文襄嘉言附鈔，以見當時賢哲責善憂世，相觀而善，有自來也。

丙辰正月啓超記

曾文正公嘉言鈔

今日而言治術。則莫若綜核名實。今日而言學術。則莫若取篤實踐履之士。物窮則變。救浮華者莫如質。積翫之後。振之以猛。意在斯乎。孟致容劉鶴復吾輩今日苟有所見。而欲爲行遠之計。又可不早具堅車乎哉。

孟致

劉鶴

答黃溪

耐冷耐苦。耐勞耐閑。龍溪人材高下。視其志趣。卑者安流俗庸陋之規。而日趨汚下。高者慕往哲盛隆之軌。而日卽高明。

功答
甫歐
陽

無兵不足深憂。無餉不足痛哭。獨舉目斯世。求一攘利不先。赴義恐後。忠憤耿耿者。不可亟得。

此其可爲浩歎也。

麗復
生彭

今日百廢莫舉。千瘡並潰。無可收拾。獨賴此精忠耿耿之寸衷。與斯民相對於骨獄血淵之中。冀其塞絕橫流之人欲。以挽回厭亂之天心。庶幾萬有一補。不然。但就局勢論之。則滔滔者吾不知其所底也。

左與
季江
高岷
樵

集思廣益。本非易事。要當內持定見。而六轡在手。外廣延納。而萬流赴壑。乃爲盡善。

曉復歐陽
岑

方今民窮財困。吾輩勢不能別有喚咻生息之術。計惟力去害民之人。以聽吾民之自孽自活而已。

石與
翹朱

帶勇之人。第一要才堪治民。第二要不怕死。第三要不急急名利。第四要耐受辛苦。大抵有忠義血性。則四者相從以俱至。

曾與
香彭
海箋房

古來名將得士卒之心。蓋有在於錢財之外者。

後世將弁專恃糧重餉優爲牢籠兵心之具。其本爲已淺矣。是以金多則奮勇蟻附利盡則冷落獸散。

璞與山王

國藩入世已深厭閱一種寬厚論說模棱氣象養成不黑不白不痛不癢之世界誤人家國已非一日偶有所觸則輪囷肝膽又與掀振一番。

孟與容劉

練勇之道必須營官晝夜從事乃可漸幾於熟如雞伏卵如鑪鍊丹未宜須臾稍離。

復啓劉超霞按仙

之教自育行家之養於皆學當生及是吾人

二三十年來。士大夫習於優容苟安。揄修袂而
養姁步。倡爲一種不白不黑不痛不癢之風。見
有慷慨感激以鳴不平者。則相與議其後。以爲
是不更事。輕淺而好自見。國藩昔廁六曹。目擊
此等風味。蓋已痛恨次骨。

翰復
臣龍

國藩從宦有年。飽閱京洛風塵。達官貴人。優容
養望。與在下者軟熟和同之象。蓋已稔知之而
慣嘗之。積不能平。乃變而爲慷慨激烈。軒爽骯

麟之一途。思欲稍易三四十年來不白不黑不痛不癢牢不可破之習。而矯枉過正。或不免流於意氣之偏。以是屢蹈愆尤。叢譏取戾。而仁人君子。固不當責以中庸之道。且當憐其有所激而矯之之苦衷也。

子復
春黃

蒼蒼者。究竟未知何若。吾輩竭力爲之。成敗不復計耳。

石復
樵朱

愚民無知。於素所未見未聞之事。輒疑其難於上天。一人告退。百人附和。其實並無真知灼見。

假令一人稱好。卽千人同聲稱好矣。

一復

帆齋

虹貫荆卿之心。而見者以爲淫氣而薄之。碧化
蓑宏之血。而覽者以爲頑石而棄之。古今同慨。
我豈伊殊。屈纍之所以一沉而萬世不復返顧
者。良有以也。

霞與

仙劉

時事愈艱。則挽回之道。自須先之以戒懼惕厲。
傲兀鬱積之氣。足以肩任艱鉅。然視事太易。亦
是一弊。

劉與

霞羅

仙羅

山

凡善弈者。每於棋危刦急之時。一面自救。一面

破敵。往往因病成妍。轉敗爲功。善用兵者亦然。
羅致山羅

急於求效。雜以浮情客氣。則或泰山當前而不
克見。以瓦注者巧。以鉤注者憚。以黃金注者昏。
外重而內輕。其爲蔽也久矣。

次與青李

銳氣暗損。最爲兵家所忌。用兵無他謬巧。常存

有餘不盡之氣而已。

次與青李

日中則昃。月盈則虧。故古詩花未全開月未圓
之句。君子以爲知道。自僕行軍以來。每介疑勝

疑敗之際。戰兢恐懼。上下悚惕者。其後恆得大勝。或當志得意滿之候。狃於屢勝。將卒矜慢。其後常有意外之失。

切與境羅遇伯皆宜如此啓豈超按用處一

欲學爲文。當掃蕩一副舊習。赤地新立。將前此所業。蕩然若喪其所有。乃始別有一番文境。

劉與

吾鄉數人。均有薄名。尙在中年。正可聖可狂之際。惟當兢兢業業。互相箴規。不特不宜自是。並不宜過於獎許。長朋友自是之心。彼此恆以過

不靈惟仙學文啓爲超然也此又

相砥。以善相養。千里同心。庶不終爲小人之歸。

希復
庵李

敬以持躬。恕以待人。敬則小心翼翼。事無巨細。
皆不敢忽。恕則常留餘地以處人。功不獨居。過不推諉。

春興
霆鮑

吾輩互相砥礪。要當以聲聞過情爲切戒。

希興
庵李

自古大亂之世。必先變亂是非。然後政治顛倒。
災害從之。賞罰之任。視乎權位。有得行。有不得
行。至於維持是非之公。則吾輩皆有不可辭之

任顧亭林所稱匹夫與有責焉者也。

幼與
丹沈

莅事以明字爲第一要義。明有二。曰高明。曰精明。同一境。而登山者獨見其遠。乘城者獨覺其曠。此高明之說也。同一物。而臆度者不如權衡之審。目巧者不如尺度之確。此精明之說也。凡高明者。欲降心抑志。以遽趨於平實。頗不易易。若能事事求精。輕重長短。一絲不差。則漸實矣。能實則漸平矣。

翔與
岡吳

軍事不可無悍鷙之氣。而驕氣卽與之相連。不

可無安詳之氣。而惰氣卽與之相連。有二氣之利。而無其害。有道君子。尙難養得。况弁勇乎。

胡復

保宮

敬字恆字二端。是徹始徹終工夫。鄙人生平欠此二字。至今老而無成。深自悔憾。

翟復
山葛

心常用則活。不用則窒。如泉在地。不鑿汲則不得甘醴。如玉在璞。不切磋則不成令器。

寅復
皆鄧

敬字惟無衆寡、無小大、無敢慢三語。最爲切當。

翟復
山葛

趨時者博無識之喜。損有道之眞。

仙與

屏許

惟忘機可以消衆機。惟懵懂可以祓不祥。

宮復

保胡

軍中閱歷有年。益知天下事當於大處著眼。小

處下手。陸氏但稱先立乎其大者。若不輔以朱

子銖積寸累工夫。則下梢全無把握。

竹致

如吳

前曾語閣下以取人爲善。與人爲善。大抵取諸人者。當在小處實處。與人者。當在大處空處。

李復

治心治身。理不必太多。知不可太雜。切身日日

夫申

用得著的。不過一兩句。所謂守約也。

申復

李夫

驕惰未有不敗者。勤字所以醫惰。慎字所以醫
驕。此二字之先。須有一誠字以立之本。

申興

李夫

大局日壞。吾輩不可不竭力支持。做一分。算一
分。在一日。擰一日。

幼致
丹沈

收之欲其廣。用之欲其慎。大抵有操守而無官
氣。多條理而少大言。本此四者以衡人。思過半
矣。

歸致
堂李

觀人之道。以樸實廉介爲質。有其質。而更傳以

他長。斯爲可貴。無其質。則長處亦不足恃。

子復

白方

求才之道。須如白圭之治生。如鷹隼之擊物。不得
休。又如蚨之有母。雉之有媒。以類相求。以氣
相引。庶幾得一而可及其餘。

李復堂

凡沉疴在身。而人力可以自爲主持者。約有二
端。一曰以志帥氣。一曰以靜制動。人之疲憊不
振。由於氣弱。而志之強者。氣亦爲之稍變。如貪
早睡。則強起以興之。無聊賴。則端坐以凝之。此
以志帥氣之說也。久病虛怯。則時時有一畏死

之見。憧擾於胸中。卽魂夢亦不甚安恬。須將生前之名。身後之事。與一切妄念。剗除淨盡。自然有一種恬淡意味。而寂定之餘。真陽自生。此以靜制動之法也。

也復

攝李

生雨

要亭

訣

盡啓

人超

皆按

當此

服問

脣疾

書

吾輩讀書人。大約失之笨拙。卽當自安於拙。而以勤補之。以慎出之。不可弄巧賣智。而所誤更甚。

子復

久宋

平日非至穩之兵。必不可輕用險著。平日非至正之道。必不可輕用奇謀。

宮復

保胡

治軍以勤字爲先。實閱歷而知其不可易。未有平日不早起。而臨敵忽能早起者。未有平日不習勞。而臨敵忽能習勞者。未有平日不忍飢耐寒。而臨敵忽能忍飢耐寒者。未有平日不共習勤勞。先之以愧厲。繼之以痛懲。

滋復

九宋

閱歷世變。但覺除得人以外。無一事可恃。大抵世之所以彌亂者。第一在黑白混淆。第二在君子愈讓。小人愈妄。

復

胡

微而後壯。故善用兵者。最喜爲主。不喜爲客。

劉復

室馨

專從危難之際。默察樸拙之人。則幾矣。

秋復
浦姚

信只不說假話耳。然卻極難。吾輩當從此一字
下手。今日說定之話。明日勿因小利害而變。

李復

荃少

愛民乃行軍第一義。須日日三令五申。視爲性
命根本之事。毋視爲要結粉飾之文。
詞氣宜和婉。意思宜肫誠。不可誤認簡傲爲風

少復

荃李

骨。風骨者。內足自立。外無所求之謂。非傲慢之謂也。上同

養身之道。以君逸臣勞四字爲要。省思慮。除煩惱。二者皆所以清心。君逸之謂也。行步常勤。筋骨常動。臣勞之謂也。

希復
庵李

用兵之道。最重自立。不貴求人。馭將之道。最貴推誠。不貴權術。

少復
荃李

吾輩位高望重。他人不敢指摘。惟當奉方寸如嚴師。畏天理如刑罰。庶幾刻刻敬憚。

希復
庵李

凡辦一事。必有許多艱難波折。吾輩總以誠心求之。虛心處之。心誠則志專而氣足。千磨百折。而不改其常度。終有順理成章之一日。心虛則不動客氣。不挾私見。終可爲人共亮。

尚與
齊程

大抵任事之人。斷不能有譽而無毀。有恩而無怨。自脩者。但求大閑不踰。不可因譏議而餒沈毅之氣。衡人者。但求一長可取。不可因微瑕而棄有用之材。苟於嶢嶢者過事苛責。則庸庸者反得倖全。

次致
山惲

事會相薄。變化乘除。吾嘗舉功業之成敗。名譽
之優劣。文章之工拙。概以付之運氣一囊之中。
久而彌自信其說之不可易也。然吾輩自盡之。
道則當與彼賭。乾坤於俄頃。校殿最於鎰銖。終
不令囊獨勝。而吾獨敗。

筠復
仙郭

大非易辨。似是之非難辨。竊謂居高位者。以知
人曉事二者爲職。知人誠不易學。曉事則可以
閱歷。勉得之。曉事則無論同己異己。均可徐
徐開悟。以冀和衷。不曉事則挾私固謬。秉公亦

謬。小人固謬。君子亦謬。鄉原固謬。狂狷亦謬。重以不知人。則終古相背而馳。故恆言以分別君子小人爲要。而鄙論則謂天下無一成不變之君子。無一成不變之小人。今日能知人能曉事。則爲君子。明日不知人不曉事。卽爲小人。寅刻公正光明。則爲君子。卯刻偏私晦曖。卽爲小人。故羣譽羣毀之所在。下走常穆然深念。不敢附和。

筠復
仙郭

國藩昔在湖南江西。幾於通國不能相容。六七

顧。年。間。浩。然。不。欲。復。聞。世。事。
以。忠。義。勸。人。而。以。苟。且。自。全。卽。魂。造。
是以。戊。午。復。出。誓。不。返。顧。
以勤。以本。以誠。輔。之。勤。則。雖。柔。必。強。
誠。則。金。石。可。穿。鬼。神。可。格。
逆。億。命。數。是。一。薄。德。讀。書。人。犯。此。弊。者。最。多。
明。而。運。蹇。者。厥。弊。尤。深。凡。病。在。根。本。者。貴。於。平。地。
外。交。養。內。之。道。第。一。將。此。心。放。在。太。平。地。久。內。

舫復
仙陳

筠復
仙郭

寧。當。更。問。毀。譽。以。拙。端。過。
猶。而。大。有。以。本。餘。巧。以。羞。退。不。

久自有功效。

眉與生李

堅其志。苦其心。動其力。事無大小。必有所成。

李與

養生與力學。

皆從有恆做出。故古人以有恆爲

作聖之基。

松復生陳

若遇棘手之際。請從耐煩二字。痛下工夫。

宮致保李

用兵之道。最忌勢窮力竭。力則指將士之精力

言之。勢則指大計大局。及糧餉之接續。人才之

可繼言之。

富致保李

泉幼

閣下此時所處。極人世艱苦之境。宜以寬字自養。能勉宅其心於寬泰之域。俾身體不就孱弱。志氣不至摧頽。而後從容以求出險之方。致事功之成否。人力居其三。天命居其七。外境之迄。未可滯慮。置而遣之。終履夷塗。君子有高世獨立之志。而不予人以易覬。有藐萬乘郤三軍之氣。而未嘗輕於一發。少致
鶴王

凡道理不可說得太高。太高則近於矯。近於僞。吾與僚友相勉。但求其不晏起、不撒謠二事。雖

霞復

仙劉

舫致

仙陳

最淺近而已。大有益於身心矣。

李復庵楊

君子欲有所樹立。必自不妄求人知始。
危險之際。愛而從之者。或有一二。畏而從之。則
無其事也。

次與青李

我輩辦事成敗。聽之於天。毀譽聽之於人。惟在
己之規模氣象。則我有可以自主者。亦曰不隨。
衆人之喜懼。爲喜懼耳。

上同

平日千言萬語。千算萬計。而得失仍只爭臨陣
須臾之頃。

宮復保胡

立法不難。行法爲難。以後總求實實行之。且常
常行之。應事接物時。須從人情物理中之極粗
極淺處著眼。莫從深處細處看。

申與夫李

先哲稱利不什不變法。吾謂人不什不易舊。

陳復

君子不恃千萬人之諛頌。而畏一二有識之竊
笑。

意復
城郭

古人患難憂虞之際。正是德業長進之時。其功
在於胸懷坦夷。其效在於身體康健。聖賢之所

稿作

以爲聖。佛家之所以成佛。所爭皆在大難磨折之日。將此心放得寬。養得靈。有活潑、潑之胸襟。有坦蕩蕩之意境。則身體雖有外感。必不至於內傷。

航復

仙陳

禍機之發。莫烈於猜忌。此古今之通病。壞國喪家亡人。皆猜忌之所致。詩稱不忮不求。何用不臧。僕自省生平讐咎。不出忮求二字。今已衰耄。旦夕入地。猶自憾拔除不盡。因環觀當世之士大夫。及高位耆長。果能剷除此二字者。亦殊不

多得也。忮求二字。蓋妾婦穿窬。兼而有之。自反既不能免此。亦遂撫然愧懼。不復敢道人之短。

中復
丞郭

人才非困厄。則不能激。非危心深慮。則不能達。

小復
午袁

右書札

朱子言爲學譬如熬肉。先須用猛火煮。然後用慢火溫。予生平功夫。全未用猛火煮過。雖略有見識。乃是從悟境得來。偶用功亦不過優游玩。

索已耳。如未沸之湯。遽用慢火。將愈煮愈不熟矣。
用功譬若掘井。與其多掘數井而皆不及泉。何若老守一井。力求及泉。而用之不竭乎。
凡專一業之人。必有心得。亦必有疑義。
士人第一要有志。第二要有識。第三要有恆。
志則不甘爲下流。有識則知學問無盡。不敢以一得自足。有恆則斷無不成之事。三者缺一不可。諸弟此時惟有識不可驟幾。有志有恆。則諸

弟勉之而已。凡事皆貴專。心有所專宗。而博觀他途。以擴其識。亦無不可。無所專宗。而見異思遷。此眩彼奪。則大不可。

君子之處順境。兢兢焉常覺天之過厚於我。我當以所餘補人之不足。君子之處嗇境。亦兢兢焉常覺天之厚於我。非果厚也。以爲較之尤嗇者。而我固已厚矣。古人謂境地須看不如我者。此之謂也。

凡有。轉仁心之發。必一鼓作氣。盡吾力之所能爲。稍
荷道念。則疑心生。私心亦生。德業人可慢。興之以言。
誰人可躬。慢何事。可弛。弛事者無成。牢騷太甚者。
其後必多抑塞。蓋無故而怨天。則心欲其定。氣欲其定。
神欲其定。體欲其定。或反愆。則天必不許。無故而尤人。
則人必不服。感應之理。則心欲其定。氣欲其定。神欲其定。
體欲其定。再食曾未聞者。或反愆。則天必不許。無故而尤人。
則人必不服。感應之理。則人必不服。感應之理。

功名之地。自古難居。人之好名。誰不如我。我有
爲情。則人必有受不美之名者。相形之際。蓋難
未習勞苦者。由漸而習。則日變月化。而遷善不
知。若改之太驟。恐難期有恆。
古之成大事者。規模遠大。與綜理密微。二者缺
一不可。
接人總宜以真心相向。不可常懷智術以相迎。
距人以僞來。我以誠往。久之則僞者亦共趨於

奄○愈○陽○身○身○遷○須○來○誠○
無○快○氣○體○雖○做○全○書○謂○
氣○活○愈○提○弱○這○副○興○會○
決○若○存○則○卻○無○精○神○索○
難○成○一○愈○愛○盛○想○神○注○然○
事○愛○惜○過○於○愛○那○樣○想○
惜○精○神○作○事○的○精○神○那○樣○
精○神○作○事○意○愈○精○神○坐○山○
神○作○事○思○多○神○精○神○望○山○
的○事○意○將○前○夜○間○愈○用○首○尾○
事○意○將○前○夜○間○愈○則○不○懈○不○
將○前○夜○間○愈○用○則○可○見○異○
郤○郤○夜○間○臨○睡○出○恆○終○事○便○

出。來。不。慌。不。忙。盈。科。後。進。向。後。必。有。一。番。回。甘。滋。味。
吾。自。信。亦。篤。實。人。只。爲。閱。歷。世。途。飽。更。事。變。
參。如。些。機。權。作。用。把。自。家。學。壞。了。實。則。作。用。萬。不。略。
猛。省。徒。惹。人。笑。教。人。懷。憾。何。益。之。有。近。日。憂。居。
強。毅。復。我。固。有。賢。弟。此。刻。在。外。亦。急。須。將。自。家。篤。實。的。本。質。
萬。不。強。毅。與。剛。復。也。也。古。語。

勝云。自勝之謂強。曰強制。曰強恕。曰強爲善。皆自莊敬而強之。坐尸立齋。不慣勞苦。而強之與士卒同甘苦。強之勤勞不倦。是卽強也。不慣有恆。士而強之貞恆。卽毅也。舍此而求以客氣勝人。是剛愎而已矣。二者相似。而其流相去霄壤。不可不察。不可不謹。打仗不慌不忙。先求穩當。次求變化。辦事無聲。無臭。既要精到。又要簡捷。

弟。此。時。以。營。務。爲。重。則。不。宜。常。看。書。凡。人。爲。一。
事。以。專。而。精。以。紛。而。散。荀。子。稱。耳。不。兩。聽。而。聰。
目。不。兩。視。而。明。莊。子。稱。用。志。不。紛。乃。凝。於。神。皆。
至。言。也。
總。須。腳。踏。實。地。克。勤。小。物。乃。可。日。起。而。有。功。
凶。德。致。敗。莫。甚。長。傲。傲。之。凌。物。不。必。定。以。言。語。
加。人。有。以。神。氣。凌。之。者。矣。有。以。面。色。凌。之。者。矣。
中。心。不。可。有。所。恃。心。有。所。恃。則。達。於。面。貌。以。門。
地。言。我。之。物。望。大。減。方。且。恐。爲。子。弟。之。累。以。才。

識言。近今軍中鍊出人才頗多。弟等亦無過人之處。皆不可恃。只宜抑然自下。一味言忠信行篤敬。庶可以遮護舊失。整頓新氣。否則人皆厭薄之矣。

胸多抑鬱。怨天尤人。不特不可以涉世。亦非所以養德。不特無以養德。亦非所以保身。聲聞之美。可恃而不可恃。善始者不必善終。行百里者半九十。精神愈用而愈出。不可因身體素弱。過於保惜。

求人智慧。愈苦而愈明。不可因境遇偶拂。遽爾摧沮。
不輕進。不輕退。時時不可忘此意。
一經焦躁。則心緒少佳。辦事必不能妄善。
人生適意之時。不可多得。弟現在頗稱適意。
可錯過時會。當盡心竭力。做成一箇局面。
吾因本性倔強。漸近於愎。不知不覺。做出許多
不恕之事。說出許多不恕之話。至今媿恥無已。
日慎一日。以求事之濟。一懷焦憤之念。則恐無

天異。不下。古不。今之。庸人。人之。皆本。以一。惰字。致敗。天下。古今。日輕。疏卽。久自。大效。不輕。退人。之本。不妄。親人。卽日。久自。大效。不輕。退人。之本。不妄。親人。卽習勞。爲辦事之本。引用。一班。能耐。勞苦。之正。人余死。生早已。置之度外。但求。臨死之際。寸心無朋友。爲然。卽凡事。亦莫不。久然而敬。之四字。不特處。

之才人皆以一傲字致敗。欲去驕字總以不輕非笑人爲第一義。欲去惰字總以不晏起爲第一義。

凡辦大事半由人力半由天事吾輩但當盡人
力之所能爲而天事則聽之彼蒼而無所容心。
凡事說話不中事則理不擔斤兩者其下必不服。
凡後悔已之隙與事後而議人之隙皆閱。

歷淺耳。

凡軍事做一節說一節若預說幾層到後來往

往不符。

辦大事者以多選替手爲第一義。滿意之選不可得。姑節取其次。以待徐徐教育可也。
沅弟謂雪聲色俱厲。凡目能見千里而不能自見其睫。聲音笑貌之拒人每苦於不自見。苦於不厲。特不自知耳。
不自知雪之厲。雪不自知。沅之聲色恐亦未始不厲。特不自知耳。
每日臨睡之時。默數本日勞心者幾件。勞力者幾件。則知宣勤國事之處無多。更宜竭誠以圖。

從古帝王將相。無人不由自立做出。卽爲聖賢者。亦各有自立自強之道。故能獨立不懼。確乎。不拔。余往年在京。好與諸有大名大位者爲仇。亦未始無挺然特立。不畏強禦之意。近來見得天地之道。剛柔互用。不可偏廢。太柔則靡。太剛則折。剛非暴戾之謂也。強矯而已。柔非卑弱之謂也。謙退而已。趨事赴公。則當強矯而已。柔非卑弱之謂也。謙退而已。則當當。強矯而已。柔非卑弱之謂也。謙退而已。則當當。強矯而已。柔非卑弱之謂也。謙退而已。

衆口悠悠。初不知其所自起。亦不知其所由止。
有才者忿疑謗之無因。而悍然不顧。則謗且日
騰。有德者畏疑謗之無因。而抑然自修。則謗亦
日熄。吾願弟等之抑然。不願弟等之悍然也。
古來成大功大名者。除千載一郭汾陽外。恆有
多少風波。多少災難。談何容易。願與吾弟兢兢
業業。各懷臨深履薄之懼。以冀免於大戾。
盛時常作衰時想。上場當念下場時。富貴人家。
宜牢記此二語。

軍事呼吸之際。父子兄弟不能相顧。全靠一己耳。
凡危急之時。只有在己者。靠得住。其在人者。皆不可靠。
恃之以守。恐其臨危而先亂。恃之以戰。恐其猛進而驟退。
吾兄弟既誓拼命報國。無論如何勞苦。如何有功。約定終始不提一字。不誇一句。知不知一聽之人。順不順一聽之天而已。
凡行兵須蓄不竭之氣。留有餘之力。

吾兄弟報國之道。總求實浮於名。勞浮於賞。才
浮於事。從此三句切實做去。或者免於大戾。
強自禁制。降伏此心。釋氏謂之降龍伏虎。龍卽
相火也。虎卽肝氣也。多少英雄豪傑。打此兩關。卽
過熾。古聖所謂窒慾。卽降龍也。所謂懲忿。卽伏
虎也。釋儒之道不同。而其節制血氣。未嘗不令
強總二字。不可少。功業文章。皆須有此二字貫
二。字。郤。不。使。吾。之。嗜。欲。戕。害。吾。之。軀。命。而。已。至。於。倔。同。

注其中。否則柔靡不能成一事。孟子所謂至剛。
孔子所謂貞固皆從倔強二字做。吾兄弟好處正在倔強。若能去忿慾以養體。存倔強以勵志。則日進無疆矣。

自古聖賢豪傑文人才士其志事不同而其豁達光明之胸大略相同。吾輩既辦軍務。係處功利場中。宜刻刻勤勞。如農之力穡。如賈之趨利。功外。如篳工之上灘。早作夜思。以求有濟。而治事之利。二者並進。則勤。

勞而以恬淡出之。最有意味。
舍命報國。側身修行。
吾輩所最宜畏懼敬慎者。第一則以方寸爲嚴
師。其次則左右近習之人。又其次乃畏清議。
擔當大事。全在明強二字。中庸學問思辨行五
者。其要歸於愚必明柔必強。
無形之功。不必騰諸口說。此是謙字之眞工夫。
所謂君子之不可及。在人之所不見也。
強字原是美德。余前寄信。亦謂明強二字。斷不

可少。第強字須從明字做出。然後始終不可屈撓。若全不明白。一味橫蠻。待他人折之以至理。證之以後效。又復俯首輸服。則前強而後弱。京師所謂瞎鬧者也。

君子大過人處。只是虛心。

大凡辦一事。其中常有曲折交互之處。一處不通。則處處皆窒矣。

古來大戰爭大事業。人謀僅占十分之三。天意恆居十分之七。往往積勞之人。非卽成名之人。

成名之人。非卽享福之人。吾兄弟。但從積勞二字上著力。成名二字。則不必問及。享福二字。更不必問及矣。

儉以養廉。直而能忍。

用人極難。聽言亦殊不易。全賴見多識廣。熟思審處。方寸中有一定之權衡。

富貴功名。皆人世浮榮。惟胸次浩大。是真正受用。

吾屢教家人崇儉習勞。蓋艱苦則筋骨漸強。嬌

養則精力愈弱也。既奢之後。而返之於儉。若登天然。
小心安命。埋頭任事。不如意之事機。不入耳之言語。紛至迭乘。余尙
慍鬱成疾。况弟之勞苦過甚。百倍於阿兄。心血
久虧。數倍於阿兄者乎。弟病非藥餌所能爲力。
必須將萬事看空。毋惱毋怒。乃可漸漸減輕。蝮
蛇螫手。壯士斷腕。所以全生也。吾兄弟欲全其
生。亦當視惱怒如蝮蛇。去之不可不勇。

弟信於毀譽禍福置之度外。此是根本第一層
功夫。此處有定力。到處皆坦途矣。
天下之事理人才爲吾輩所深知不及料者。
多矣。切勿存一自是之見。
吾輩在自修處求強則可。在勝人處求強則不可。
若專在勝人處求強。其能強到底與否。尙未
可知。即使終身強橫安穩。亦君子所不屑道也。
未可。心。橫。氣。從。正。是。磨。鍊。英。雄。玉。汝。於。成。李。申。夫。嘗。也。
困。忍。耐。徐。圖。自。強。因。引。

牙○諺○曰○好○漢○打○脫○牙○和○血○吞○此○語○是○余○生○平○敵○
罵○癸○丑○甲○寅○爲○長○沙○所○唾○罵○乙○卯○丙○辰○爲○京○師○權○貴○所○唾○
所○唾○罵○以○及○岳○州○之○敗○靖○江○之○敗○湖○口○之○敗○蓋○江○西○
打○脫○牙○之○時○多○矣○無○一○次○不○和○血○吞○之○弟○來○信○不○信○
說○敵○定○牙○根○徐○圖○自○強○而○已○漢○聲○口○惟○有○一○字○來○信○不○信○
兄○自○問○近○年○得○力○惟○有○一○悔○字○訣○兄○昔○年○自○負○
本○領○甚○大○可○屈○可○伸○可○行○可○藏○又○每○見○得○人○家○

不是。自從丁巳戊午大悔大悟之後。乃知自己全無本領。凡事都見得人家有幾分是處。故自戊午至今九載。與四十歲以前迥不相同。大約以能立能達爲體。以不怨不尤爲用。立者發奮。自強站得住也。達者辦事圓融。行得通也。袁了凡所謂從前種種譬如昨日死。從後種種譬如今日生。另起爐竈。重開世界。安知此兩番之大敗。非天之磨鍊英雄。使弟大有長進乎。謬云。吃一塹。長一智。吾生平長進。全在受挫。受辱。

之。時。務。須。敵。牙。勵。志。蓄。其。氣。而。長。其。智。切。不。可。
恭。然。自。餒。也。

弟。當。此。百。端。拂。逆。之。時。亦。只。有。逆。來。順。受。之。法。
仍。不。外。悔。字。訣。硬。字。訣。而。已。

右家書

處。多。難。之。世。若。能。風。霜。磨。鍊。苦。心。勞。神。自。足。堅。
筋。骨。而。長。識。見。沅。甫。叔。向。最。羸。弱。近。日。從。軍。反。
得。壯。健。亦。其。證。也。
居。家。之。道。惟。崇。儉。可。以。長。久。處。亂。世。尤。以。戒。奢。

侈爲要義。人生惟有常。是第一美德。余早年於作字一道。亦嘗苦思力索。終無所成。近日朝朝摹寫。久不間斷。遂覺月異而歲不同。可見年無分老少。事無分賢愚。一毫之微。無不如實描寫。蓋人之氣質。由於天性。本難改變。欲求變之。之法。大而不忘。小而必記。始克得心應手。了然無礙。此固非一日之功。亦非一月之限。須先立堅卓之志。卽以余生平言之。三十歲以前。最好吃煙。片刻不離。至道光壬寅十一月二

十一日立志戒煙。至今不再吃。四十六歲以前。
作事無恆。近五年深以爲戒。現在大小事均尙
有恆。卽此二端。可見無事不可變也。古稱金丹。
換骨。余謂立志卽丹也。

不料袁壻遽爾學壞至此。然爾等待之。郤不宜
過露痕蹟。人之所以稍顧體面者。冀人之敬重
也。若人之傲惰鄙棄業已露出。則索性蕩然無
矣。恥。拚棄不顧。甘與正人爲仇。而以後不可救藥

凡詩文欲求雄奇矯變。總須用意有超羣離俗之想。乃能脫去恆蹊。

凡文有氣則有勢。有識則有度。有情則有韻。有趣則有味。

顏黃門之推顏氏家訓。作於亂離之世。張文端英聰訓齋語。作於承平之世。所以教家者至精。爾兄弟宜各覓一冊。常常閱習。

凡言兼衆長者必其一無所長者也。凡事皆用困知勉行工夫。不可求名太驟。求效

太捷也。爾以後每日宜習柳字百箇。單日以生紙臨之。雙日以油紙摹之。臨帖宜徐。摹帖宜疾。數月之後。手愈拙。字愈醜。意興愈低。所謂困。困時切莫間斷。熬過此關。便可少進。再進。再困。也。生皆有極。困極難之時。打得通的。便是好漢。凡事。爾憚於作文。正可借此逼出幾篇。天下事無所爲而成就者極少。有所貪有所利而成者居其半。有所激有所逼而成者居其半。

夫。除淨盡。爾等欲心地乾淨。宜於此二者痛下工。
夫。附作忮求詩二首錄左。
善莫大於恕。德莫兇於妒。妒者。妾婦行。瑣瑣。
奚比數。已拙忌人能。已塞忌人遇。已若無事。
功忌人得成務。已若無黨援。忌人得多助。勢。
位苟相敵。畏逼又相惡。已無好聞望。忌人文
名著。已無賢子孫。忌人後嗣裕。爭名日夜奔。
爭利東西驚。但期一身榮。不惜他人汚。聞灾
或欣幸。聞禍或悅豫。問渠何以然。不自知其。

車爲知祥。損終汝。人還自誤。幽明叢詬忌。乖氣相迴互。重者裁。
貴求萬釘帶。患足我。尺布輕亦減汝祚。我今告後生。悚然大覺悟。
害天地寬。亦無恐怖。忮布不消除嫉妒心。普天零甘露。家家獲吉。不。
在約每思豐。居困常求泰。富求千乘。多欲。

馨比椒蘭磬固方泰岱求榮不知饗志亢神
愈忧歲燠有時寒月明有時晦時來多善緣。
願過難瘳動招尤。運去生灾怪。諸福不可期。
於世我無矯首。少我遽尤。舉足便有礙。
求我望八荒。取我乾坤一何。君猶猶。君抱戚戚。
俯可耐。仰而耐。君看十人中。君抱殷憂。
餘况快。而况快。君安大。君安大。君抱憂。
處夷塗。處夷塗。君無倚賴。君榮無遽。
俟命堪終古。俟命堪終古。君生人。君生人。
曾不慨。曾不慨。君窮多。君窮多。君欣日凋。

求右不

日課四條

同治十年金陵節署中日記

記

自○事○斷○及○惡○既○一
強○則○無○知○則○知○曰○日
之○天○行○能○而○謂○有○慎○課
道○君○有○慎○已○之○善○獨○四
第○泰○不○獨○獨○自○知○則○條
一○然○廉○則○知○欺○有○心○
尋○此○於○內○之○方○惡○安○
樂○心○心○省○故○寸○而○
之○常○則○不○大○之○不○自○
方○快○餒○疚○學○自○能○修○
足○之○可○之○欺○實○之○
寬○時○以○誠○與○用○道○
平○人○對○意○否○其○莫○
是○無○天○章○蓋○力○難○
人○一○地○兩○他○以○於○
生○內○質○言○人○爲○養○
第○媿○鬼○慎○所○善○心○
一○之○神○獨○不○去○心○

二日主敬。則身強。敬之一字。孔門持以教人。
三身若神。軀敬切。至程朱。則千言萬語。
三曰體人。爲之無。近日偷能。固語。
求仁之強。衆寡。氣爲之振。皆自人肌膚。
仁則健。又事。爲之無。固不離此旨。
人悅何疑。大振。時戰勝。然之徵應。
我與民物。乎小斯足。戰勝。自然之會。
其大本。其知。陣危急。雖筋骸。
乃同出。其恭敬。能急之際。應吾謂。
慢則。不敢懈。使人際。雖有衰年病。
慢則。慢則。身亦強。則束敬。莊字人。

於一源。若但知私己。而不知仁民愛物。是於大本一源之道。已悖而失之矣。至於尊官厚祿。高居人上。則有拯民溺。救民飢。之責。讀書學古。粗知大義。卽有養庶彙。後知覺。後覺。所以責。若但知辜。自負。了。勞。無論貴賤智愚。人所同也。人一日所著。皆貪於逸。而進之食。與一古。四曰習勞。則神欽。凡人之情。莫不好逸而惡勞。今之所同也。

曾文正公嘉言鈔

六十八

精神。要。常。令。有。餘。於。事。則。氣。充。而。心。不。散。漫。
凡事之須逐日檢點者。一日姑待。後來補救。難。

懷。盜。不。以。知。其。記。矣。
伎。虛。爲。爲。已。強。云。
心。名。聖。聖。之。強。君。
者。者。賢。賢。過。得。子。
有。有。便。全。失。乎。莊。
不。不。爲。是。卽。日。敬。
測。測。禽。此。自。日。日。
之。之。獸。等。爲。日。安。
禍。禍。莫。處。承。日。肆。
負。隱。收。磊。認。日。衰。
慝。穫。落。過。地。繫。
者。但。問。人。改。去。
有。耕。不。測。毫。無。
測。耘。之。之。吝。惜。
禍。禍。之。之。豪。傑。
者。但。問。人。聖。賢。所。
有。耕。不。測。人。賢。之。
測。耘。之。之。聖。賢。所。

天道。惡。巧。天道。惡。盈。天道。惡。貳。貳者。多猜疑也。
不忠誠也。無恆心也。
天下無易境。天下無難境。終身有樂處。終身有
憂處。
天下人爲善。與人爲善。樂以終身。憂以終身。
天下斷無易處。之境遇。人間那有空閒的光陰。
天下事一一責報。則必有大失望之時。
天下事未有不從艱苦中得來而可久可大者
也。

用兵最戒驕氣惰氣。作人之道。亦惟驕惰二字。
誤事最甚。

易曰。勞謙君子有終吉。勞謙二字。受用無窮。勞所以戒惰也。謙所以戒傲也。有此二者。何惡不去。何善不臻。

與人爲善。取人爲善之道。如大河水盛。足以浸灌小河。小河水盛。亦足以浸灌大河。無論爲上爲下。爲師爲弟。爲長爲幼。彼此以善相浸灌。則目見其益。而不自知矣。

天下凡物加倍磨治。皆能變換本質。別生精彩。
况人之於學乎。知天下之長而吾所歷者短。則遇榮利爭奪之境當退讓以大而吾所居者小。則思擇善而約守之。知事變之多而吾所辦者少。則不敢以功名自矜。而當思舉賢而共圖之。夫少。如是。則自私自滿之見。可漸漸蠲除矣。

就吾之所見。多教數人。取人之所長。還攻吾短。
百種弊病。皆從嬾生。嬾則弛緩。弛緩則治人不
嚴。而趣功不敏。一處遲。則百處懈矣。

勤勞而後憩息。一樂也。至淡以消忮心。二樂也。
讀書聲出金石。三樂也。

凡喜譽惡毀之心。卽鄙夫患得患失之心也。於
此關打不破。則一切學問才智。適足以欺世盜
名。

言物行恆。誠身之道也。萬化基於此矣。余病根

在無恆。故家內瑣事。今日立條例。明日仍散漫。
下人無常規可循。將來蒞衆必不能信。作事必
不能成。戒之。

孫高陽史道鄰。皆極耐得苦。故能艱難馳驅。爲
一代之偉人。今已養成膏粱安逸之身。他日何
以肩得大事。自戒潮煙以來。心神彷徨。幾若無主。遏欲之難。
類如此矣。不挾破釜沉舟之勢。詎有濟哉。
古人辦事掣肘之處。拂逆之端。世世有之。人人

者。不免。惡其拂逆而必欲順從。設法以誅鋤異己。
求全。且以無敵國外患而亡爲慮者。聖賢之用
心也。借人之拂逆。以磨厲我之德性。其庶幾乎。
扶危救難之英雄。以心力勞苦爲第一義。
爲政之道。得人治事。二者並重。得人不外四事。
綸曰。廣收詳思。約用勤教。嚴繩治事。不外四端。
日須以精心果力。獨造幽奧。直湊單微。以求

進境。一日無進境。則日日漸退矣。
於清早單開本日應了之事。本日必了之。
與胡中丞商江南軍事。胡言凡事皆須精神貫
注。心有二用。則必不能有成。余亦言軍事不日
進則日退。二人互許爲知言。

右日記

獨也。者君子與小人共焉。者也。小人以其爲獨
而生一念之妄。積妄生肆。而欺人之事成。君子
懷其爲獨。而生一念之誠。積誠爲慎。而自慊之。

功密。彼小人者。一善當前。幸人之莫我察也。則趨焉而不決。一不善當前。幸人之莫或伺也。則去之而不力。幽獨之中。情偽斯出。所謂欺也。惟夫君子者。懼一善之不力。則冥冥者墮行。一不善之不去。則涓涓者無已時。屋漏而懷如帝天。方寸而堅如金石。獨知之地。慎之又慎。論慎獨風俗之厚薄。奚在乎。自乎。一二人心之所嚮。而巳。民之生。庸弱者戢戢皆是也。有一二賢且智者。則衆人君之而受命焉。尤智者。所君尤衆焉。

此一二人者之心向義。則衆人與之赴義。
人者之心向利。則衆人與之赴利。衆人所。
疾。乎。所。歸。雖。有。大。力。莫。之。敢。逆。故。曰。撓。萬。物。趨。一。
禦。者。也。先王之治天下。使賢者皆當路。在勢。不。者。趨。二。
風民也。皆以義。故道一而俗同。世教既衰。所謂其可。莫。勢。二。
而蒸。爲口說。而播爲聲氣。而衆人者。勢不能不聽。不能不騰。命。謂
一二人者。不盡在位。彼其心之所嚮。不能不聽。不能不騰。謂其可。莫。勢。二。
此按深勢於不能。社會不學四者字之極。言見也得。到。於是。

不○移○無○讐○徒○者○乎○徒○黨○蔚○起○
誣○習○才○所○從○黨○亦○徒○黨○蔚○起○
可○俗○彼○從○來○久○死○功○亦○死○功○起○
乎○而○自○戶○久○而○仁○死○而○仁○死○而○
十○室○陶○鑄○於○高○利○死○而○義○時○人○
世○明○之○不○義○時○人○才○出○以○焉○
之○君○返○而○不○顧○有○以○焉○
人○地○子○水○流○濕○火○功○有○以○焉○
而○翻○不○克○在○濕○火○功○有○以○焉○
謝○以○勢○火○功○有○以○焉○
其○智○者○就○燥○利○倡○仁○義○
材○之○無○之○輒○燥○利○倡○仁○義○
以○移○百○人○中○尤○者○而○材○之○
然○智○足○以○移○

先王之道不明。士大夫相與爲一。一切苟且之行。則數十年之後。萬一有收其效者乎。非所逆睹已。

風時。原氣。亦時。可皆。謂能。不以。負心。大○。其力。言轉。矣移。見也。之深。名明。文社。也會。公變。於遷。窮之。

士家者。大○。恐夫。得一○。不當。而壞。存○。之。則風○。俗。則將。慎。而賊○。人。才○。循。是爲。爲謹。其心○。之。地者。然也。凡一○。而存。而上。皆與。有責。焉者。也。則○。移。習俗。而陶○。鑄。一世。之。人。非特處。高明。國之。

凡學隱姦。有學其人往往。
未有貴忍。而過易以。自陷於。
堅初和不。而以寡恬然。戾。
貞有同悔。因寡恬然。大。
永決長斯護。過然。戾。
固定人則一。而今可而。
之不之小時。今可而。
力移惡人之曰。幸僚友。
事國之是失無無過。
略朝志又不展過無。
者。序先中譖可轉欺且出。
正有臣近蓋人以片。
其器小也。物之有臣近蓋人以片。
勇媚者藏乎仲言。
猛子已至自尼相。
精之爲蹈欺之質。
進亞人滔乎賢確。
之也友天自猶者。
心而之知待而。

覽而易盡者。其中無有也。
君子赴勢甚鈍。取道甚迂。德不苟成。業不苟名。
艱難錯迕。遲久而後進。銖而積。寸而累。及其成
熟。則聖人之徒也。

上同

古君子多塗。未有不塗。自未干。人不謙陳。始自集岱。者不詩雲。也干序母。壽山。始人壽。序崑圃。者始也。小人亦

而思危。樂而不荒。其初類有非常之撼頓。顛蹶。是戰兢。僅安而得全。疚疾。生其德術。荼蘖。堅其筋骨。是故安

而賢達之起。其初類有非常之撼頓。顛蹶。是戰兢。僅安而得全。疚疾。生其德術。荼蘖。堅其筋骨。是故安

多塗。未有不塗。自未干。人不謙陳。始自集岱。者不詩雲。也干序母。壽山。始人壽。序崑圃。者始也。小人亦

能儉。約者不求人。

上同

天可補。海可填。南山可移。日月既往。不可復追。
其過如駟。其去如矢。雖有大智。神勇莫可誰。光陰之遷流。如此其可畏也。人固可自暇逸哉。何追。

壽朱
庄玉
聲

人固視乎所習。朝有媯阿之老。則羣下相習於詭隨。家有骨鯁之長。則子弟相習於矩矱。倡而爲風。效而成俗。匪一身之爲利害也。
母陳壽仲序
天之生斯人也。上智者不常。下愚者亦不常。擾

擾萬衆。大率皆中材耳。中材者。導之東而東。導
之西而西。習於善而善。習於惡而惡。其始瞳焉。
無所知識。未幾。習於善而善。習於惡而惡。其始
風成俗。自然由。風之由。未幾。能木爲一。能禦。拔
物二。能禦。能禦。能禦。能禦。能禦。能禦。能禦。
力既成。能禦。能禦。能禦。能禦。能禦。能禦。能禦。
而莫發。能禦。能禦。能禦。能禦。能禦。能禦。能禦。
君子之存心也。不復好聞危苦之言。人情大抵然歟。
安樂之時。不敢造次忘。苦之境。尤不敢。
院箴記書

狃於所習。自謂無虞。

師金

昭陵

忠楚

祠軍

記水

君子之道。莫大乎以忠誠爲天下倡。世之亂也。

上下縱於亡等之欲。姦僞相呴。變詐相角。自圖

其安而予人以至危。畏難避害。曾不肯捐絲粟

之力。以拯天下。得忠誠者。起而矯之。克己而愛

人。去僞而崇拙。躬履諸艱。而不責人。以同患。浩

然捐生。如遠遊之還鄉。而無所顧憚。由是衆患。浩

效其所爲。亦皆以苟活爲羞。以避事爲恥。嗚呼。人

吾鄉數君子。所以鼓舞羣倫。歷九載而戡大亂。

非拙且誠者之效歟。

忠湘
祠鄉
記昭

世多疑明代誅鋤搢紳而怪後來氣節之盛。以爲養士實厚使然。余謂氣節者亦一二賢者倡之漸乃成爲風會。不盡關國家養士之厚薄也。

公書
手周
札忠
後介

譽道苦而得者食之彌安也。凡菜茹手植而手擷者其味彌甘。凡物親歷艱辛苦而得者食之彌安也。凡菜茹手植而手擷者其味彌甘。凡物親歷艱

墓大
表界

或以罔濟尼中庸之說。不聞激烈之行。奸則

吾○計○者○
心○迫○之○
無○義○口○

右○憾○不○夫○
文○焉○返○忠○
集○耳○顧○臣○

安陳○效○孝○
人岱○死○子○

墓雲○而○豈○
誌妻○已○必○

銘易○矣○一○
其○一○

濟○求○
天○有○
也○濟○

不○哉○
濟○勢○
於○窮○

空白页

胡文忠公嘉言鈔

咨之以謀而觀其識。告之以禍而觀其勇。臨之以利而觀其廉。期之以事而觀其信。知人任人。不外是矣。

惟誠信之至。可以救欺詐之窮。欺一事不能欺之事。事欺一時不能欺之後時。不可不防其欺。不可因欺而灰心於所辦之事。所謂貞固足以幹事也。

人心思亂。不自今日始。亦不自今日止。除日日

練兵。人人講武。別無補救之方。練一日得一日之力。練一人得一人之力。心志不苦。患難未嘗。則智慧鈍而膽力怯。塵埃之中。何地無才。何才不可策用。用紳士總在平日接見時。專心致志。詳爲談論。講究一切。察其爲人如何。用其所長。棄其所短。軍旅之際。非以身先之勞之。事必無補。古今名將。不僅才略異衆。亦且精力過人。吾輩均是好漢。未必能擔當艱鉅。而當此艱鉅。

卽欲辭避。亦有所不能。
得一正士。可抵十萬金。天下事所以敗壞。則正
氣不伸而僞士得志也。

有不可戰之將。無不可戰之兵。有可勝不可敗
之將。無必勝必不勝之兵。

智慮生於精神。精神生於安靜。

夫戰勇氣也。當以節宣蓄養提振爲要。又陰事
也。當以固塞堅忍蟄伏爲事。後啓懲超創按此言三也河敗
亂天下者。不在盜賊。而在無人才。人才不出。以

居人上者不知求耳。

人才隨取才者之分量而生。亦視用才者之輕重而至。

求賢如相馬。今使萬馬爲羣。中有千里馬而人不識。卽識之矣。狃於駕駘之便安。則千里馬亦且自悲。

聖賢不可必得。必以志氣節操爲主。孔孟之訓。注意狂狷。狂是氣。狷是節。有氣節則本根已植。

長短高下。均無不宜也。

德必不孤。德亦必不可孤。
欲救全人。須使之先有忌憚之心。
吾儒任事。祇盡吾義分之所能爲。以求衷諸理
之至是。不必故拂乎人情。而任勞任怨。究無所
容其瞻顧之思。

人才因磨練而成。總須志氣勝人。乃有長進。成
敗原難逆料。不足以定人才。
兵可挫。氣不可挫。氣可偶挫。而志終不可挫。
大抵兵事。另有一種人物。文而近史。武而近俠。

皆非能兵者。

軍事之要。必有所忌。乃能有所濟。必有所舍。乃能有所全。

將以氣爲主。以志爲帥。專尚馴謹之人。則久而必惰。專求悍驁之士。則久而必驕。兵事畢竟歸於豪傑一流。氣不盛者遇事而氣先懾。而目先逃。而心先擾。平時一一稟承奉令唯謹。臨大難而中無主。其識力既鈍。其膽力必減。固可憂之大矣。

夫人才因求才者之志識而生。亦由用才者之分量而出。用人如用馬。得千里馬而不識。識矣而不能勝其力。則且樂駑駘之便安。而斥駢驥之偉俊矣。朱子云。是真虎必有風。然則虎不嘯。非風之不從也。所媿在此。所懼在此。愛人之道。以嚴爲主。寬則心弛而氣浮。舉人不能不破格。破格則須循名核實。否則人卽無言而我心先媿矣。避嫌怨者未必得。不避嫌怨者未必失。

凡奇謀至計。總在平實處。如布帛菽粟之類。愈近淺易。愈廣大而精微也。

天下強兵在將。上將之道。嚴明果斷。以浩氣舉事。一片純誠。其次者剛而無虛。樸而不欺。好勇而能知大義。要未可誤於矜驕虛浮之輩。使得以巧飾取容。眞意不存。則成敗利鈍之間。顧忌太多。而趨避愈熟。必至敗乃公事。

兵士如學生功課。不進則退。不戰則並不能守。久逸則筋脈皆弛。心膽亦怯。

軍旅之事。能腳踏實地。便是奇謀。
財用如人身之精血。古人以四海困窮爲戒。良
有深旨。蓋財用竭則如精血之枯。身亦不得自
活也。

天下無生而知兵之人。在思其情理與機勢耳。
吾輩不必世故太深。天下惟世故深誤國事耳。
陰陽怕懵懂。不必計及一切。
放膽放手大踏步。乃可救人。
作官得民心。作將必得兵心。平時刻厲。入軍亦

必堅苦。

用所長以救所短。不必舍所長而用所短。
不包攬。不把握。任人作主。則兵不能擇餉。不能
節。郤又必乏財矣。

文啓

正超

初按

任此

江致

督曾

凡文

百正

撝者

謙時

時艱事急。當各盡其心力所能。不必才之果異
於人事之果期於成也。遇事每謀每斷。不謀不
斷。亦終必亡。與其坐亡。不如謀之。
凡人保身之法。只護心腎緊要之處。尺寸之膚
必顧。將有不能兼愛。而先失其大者。是戰守之

機。處處爲備。必致處處無備。
人皆熙熙如登春臺。我輩惟職思其憂耳。
不苦撑。不咬牙。終無安枕之日。
是非不明。節義不講。此天下所以亂也。
天下惟左右近習。不可不慎。左右近習無正人。
卽良友直言。亦不能進也。危乎微乎。宮中府中
之事。大抵以此爲消長否泰之關。
近事非從吏治。人心痛下工夫。滌腸盪胃。必難

挽回。

正述
語曾文

辦大事以集才集氣集勢爲要。莊子所謂而後乃今培風也。

天下大亂人懷苟且之心。事出範圍之外。當謹守準繩。互相勸規。不可互相獎飾包荒。正述 言曾文

守兵不動久亦並不能守。戰兵不戰久亦並不能戰。其心散其志弛其力隳也。譬之寫字讀書。進德脩業。非猛進卽乍退。游息只須半時半日。則精力卽足。若一日二日不做工夫。或經月經年不求精進。未有不懈不荒者。彼文字尙然。况

用力之事乎。

凡人總要憂勤。千般苦楚。均要人肯吃。

兵事必無萬全之策。謀萬全者。必無一全。

古今戰陣之事。其成事皆天也。其敗事皆人也。兵事怕不得許多。算到五六分。便須放膽放手。

以做百姓之心做官。以治私事之心治官事。大抵吾儒任事。與正人同死。死亦得附於正氣之列。是爲正命。附非其人而得不死。亦爲千古之玷。況又不能不死耶。處世無遠慮。必陷危機。

一朝失足。則將以薰蕕爲同臭。而無解於正士之譏評。

次致
青李

吾是破甑之人。避怨之事。向不屑爲。卽舞陽侯所謂巵酒安足辭也。

須知時事艱難。吾輩所做之事。皆是與氣數相爭。然成敗之數。盈虛之數。有天命焉。非憂思卽能稍減也。

挾智術以用世。殊不知世間並無愚人。

季與
高左

左文襄公嘉言鈔

讀書時。須細看古人處一事。接一物。是如何思量。如何氣象。及自己處事接物時。又細心將古人比擬。設若古人當此。其措置之法。當是如何。我自己任性爲之。又當如何。然後自己過錯始見。古人道理始出。斷不可以古人之書。與自己處事接物爲兩事。

汝與充周

能克己者。必能克敵。功名之著。抑其末也。

璞答山王

譽人而令人不敢承。亦非慎言之道。願毋然也。

上同

天下紛紛。吾曹適丁其厄。武鄉不云乎。成敗利
鈍。非所逆覩。則亦惟殫其心力。盡其職守。靜以
待之而已。

希與
庵李

中才全在策厲。當人才極乏之時。再不寬以錄
之。則凡需激厲而後成。磨練而後出者。舉遭屈
人。頗嚴。用人。頗緩。信人。頗篤。此中自謂稍有分
寸也。

上同

厨丁作食。殼果都是此種。而味之旨否分焉。
此便可知用人之道。凡用○人○用○其○朝○氣○用○其○所○解
長○常○令○其○喜○悅○忠○告○善○道○使○知○意○向○所○在○勿○窮○所○解
其○所○短○迫○以○所○不○能○則○得○才○之○用○矣○
上同

憩答
亭夏

見今風氣。外愈謙而內愈僞。弟所深恨。此等圭
角。何可不露。
人各有才。才各有用。嘗試譬之。草皆藥也。能嘗
之試之。而竊知其性所宜。炮之炙之。而各得其
性之正。則專用雜用。均無不可。否則必之山而

求棟必之隰而求苓。烏乎可。且烏乎能也。曾滌
生嘗歎人才難得。吾曰君水陸萬餘人矣。而謂
無人。然則此萬餘人者皆無可用乎。集十人於
此。則必有一人稍長者。吾令其爲九人之魁。則
此九人者必無異詞矣。推之百人千人莫不皆
然也。

潤與之胡

非知人不能善其任。非善任不能謂之知人。非
開誠心布公道。不能得人之心。非獎其長護其
短。不能盡人之力。非用人之朝氣。不能盡人之

才。非令其優劣得所。不能盡人之用。

上同

養氣未深。終是打小仗手段。連聲之雷不震。食

鼠之貓不威。

謂答之胡

學業才識。不日進則日退。須隨時隨事留心著力爲要。事無大小。均有一當然之理。卽事窮理。何處非學。昔人云。此心如水。不流卽腐。昔人事業到手。卽能處措裕如。均由平常留心體驗。能明其理。習於其事所致。未有當前遇事放過。而日後有成者也。

少與

靈陶

凡事過於求好。轉多不妥之處。

石與
泉楊

凡將將領。須先得其心。不必以權勢相壓。當統

帥不患無權勢。患在不能下人。而必欲強人以

就我。昔人云。位居千萬人之上。心須居千萬人

之下。此有道之言也。

克與
庵劉

天下事當以天下心出之。不宜以私慧小智示人不廣。

石答
泉楊

附錄

曾文正公國史本傳

曾國藩。湖南湘鄉人。道光十八年進士。改庶吉士。授檢討。二十三年。大考二等。升侍講。充四川正考官。文淵閣校理。二十四年。充教習庶吉士。轉侍讀。二十五年。歷遷右庶子、左庶子。翰林院侍講學士。充會試同考官。日講起居注官。二十六年。充文淵閣直閣事。二十七年。大考二等。擢內閣學士。兼禮部侍郎銜。二十八年。稽察中書科。二十九年。擢禮部右侍郎。署兵部左侍郎。三十年。文宗登極。國藩奏言今日所當講求者。惟在用人。人才不乏。欲作育而激揚之。則賴皇上之妙用。有轉移之道。有培養之方。有考察之法。三者不可廢。一臣觀今日京官辦事通病有二。曰退縮。曰瑣屑。外官辦事通病有二。曰敷衍。曰顛頽。習俗相沿。但求苟安無過。不肯振作有爲。將來一遇艱鉅。國家必有乏才之患。今遽求振

作之才。又恐躁競者因而倖進。臣愚以爲欲令有用之才不出範圍之中。莫若使從事於學術。又必皇上以身作則。乃能操轉移風化之本。臣考聖祖登極後。勤勤學問。儒臣逐日進講。寒暑不輟。召見廷臣。輒與往復討論。當時人才濟濟。好學者多。康熙末年。博學偉才。大半皆聖祖教諭成就之。皇上春秋鼎盛。正符聖祖講學之年。臣請俟二十七月後。舉逐日進講例。四海傳播。人人向風。召見臣工。從容論難。見無才者。則勗。遂日進講例。四海傳播。人人向風。召見臣工。從容論難。見無才者。則勗。之以學。以痛懲模稜罷輶之習。見有才者。則愈勗之以學。以化其剛愎刻薄之偏。十年以後。人才必大有起色。此轉移之道也。內閣六部翰林。爲人才薈萃之地。內而卿相。外而督撫。率出於此。皇上不能一周知也。培養之權。不得不責成堂官。所謂培養有數端。曰教誨。曰甄別。曰保舉。曰超擢。堂官於司員。一言加獎。則感而圖功。片語責懲。則畏而改過。此教誨不可緩也。榛棘不除。則蘭蕙減色。害馬不去。則騏驥短氣。此甄別不可緩也。嘉慶四年、十八年。兩次令部院各保司員。此保舉成案也。

雍正間。甘汝來以主事而賞人參。放知府。嘉慶間。黃鉞以主事而充翰林。入南齋。此超擢成案也。蓋嘗論之。人才譬若禾稼。堂官之教誨。猶種植耘耔也。甄別去稂莠。保舉猶灌溉也。皇上超擢。譬之甘雨時降。苗勃然興也。堂官時常到署。猶農夫日在田間。乃熟穡事。今各衙門堂官。多內廷行走之員。或累月不到署。自掌印主稿外。司員半不識面。譬之嘉禾稂莠。聽其同生同落於畎畝之中。而農夫不問。教誨之法無聞。甄別之例亦廢。近奉明詔保舉。又但及外官。不及京秩。培養之道。不尙有未盡者哉。頃歲以來。六部人數日多。或二十年不得補缺。終身不得主稿。內閣翰林院人數亦三倍於前。往往十年不得一差。不遷一秩。而堂官多直內廷。本難分身入署。又或兼攝兩部。管理數處。縱有才德俱優者。曾不能邀堂官之顧。又烏能達天子之知。以數千人才近在眼前。不能加意培養。甚可惜也。臣愚欲請皇上稍爲酌量。每部須有三四堂官。不入內廷者。令日日到署。與司員相砥礪。翰林掌院亦須有不直內廷者。

與編檢相濡染。務使屬官之性情心術。長官一一周知。皇上不時詢問。某也才。某也直。某也小知。某也大受。不特屬官優劣粲呈。卽長官淺深亦可互見。旁考參稽。而八衙門之人才。同往來聖主之胸中。彼屬官者。但令姓名達於九重。不必升官遷秩。而已感激無地。然後保舉之法。甄別之例。次第舉行。舊章皇上偶有超擢。則楩柟一升。而草木之精神皆振。此培養之方也。古者詢事考言。二者兼重。近來各衙門辦事。小者循例。大者請旨。本無才猷可見。莫若於言考之。而召對陳言。天威咫尺。不宜喋喋便佞。則莫若於奏摺考之。國家定例。內而九卿科道。外而督撫藩臬。皆有言事之責。各省道員。亦許專摺言事。乃十餘年間。九卿無一人陳時政得失。司道無一摺言地方利病。科道奏疏。無一言及主德。替。無一摺彈大臣過失。一時風氣。不解其所以然。本朝以來。匡言主德者。如孫嘉淦以自是。規高宗袁銑以寡慾。規大行皇帝。皆優旨嘉納。糾彈大臣者。如李之芳劾魏裔介。彭鵬劾李光地。後四人皆爲名臣。至今

傳爲美談。直言不諱。未有盛於我朝者也。皇上御極之初。特詔求言。而
褒答倭仁之諭。臣讀之至於忭舞感泣。然猶有過慮者。誠見皇上求言
甚切。諸臣紛紛入奏。或條陳庶政。頗多雷同。或彈劾大臣。懼長攻訐。臣
愚願皇上堅持聖意。借奏摺爲考核人才之具。永不生厭數之心。涉於
雷同者不必交議而已。過於攻訐者不必發抄而已。此外則但見有益。
不見有損。今考九卿賢否。憑召見應對。考科道賢否。憑三年京察。考司
道賢否。憑督撫考語。若人人建言。參互質證。豈不更爲核實乎。此考察
之法也。奏入。諭稱其剴切明辨。切中事情。著於百日後舉行日講。國藩
條陳日講事宜。一、考定日講設官之制。二、講官員數。三、每日進講員數。
四、講官應用何項人。五、定保舉講官之法。六、進講之地。七、進講之儀。
八、纂成講書。十、陳講之道。十一、覆講之法。十二、纂成講書。十三、
講官體制。十四、進講年數。下部議格不行。六月。署工部左侍郎。元
署刑部右侍郎。充武闈正考官。二年。署吏部左侍郎。充江西正考官。丁
年。十八。

母憂回籍。粵逆起。犯湖南。圍長沙不克。竄武昌。陷之。連陷沿江郡縣。江南大震。十一月二十九日。上以國藩會同湖南巡撫辦理本省團練。搜勦土匪。時塔齊布已以都司署撫標參將。國藩奏稱其奮勇耐勞。深得民心。並云塔齊布將來如打仗不力。臣甘同罪。請旨獎敍。專令督隊勦賊。會賊破金陵。逆流西上。皖鄂郡縣相繼淪陷。上以國藩所練鄉勇得力。勦匪著有成效。諭令馳赴湖北勦賊。國藩以爲賊所以恣意往來者。由長江無官軍援禦故也。乃駐衡州。造戰艦。練水軍。勸捐助餉。四年正月。督師東下。與賊接戰岳州。又戰靖港。皆不利。得旨革職。仍准專摺奏事。時國藩已遣楊岳斌、彭玉麟與塔齊布合擊賊湘潭。大破之。復其城。賊退踞岳州。七月。國藩攻克之。燬其舟。賊浮舟上犯。再破之。遂與塔齊布水陸追擊。自城陵磯二百餘里。勦洗淨盡。賞三品頂戴。九月。復武昌。布漢陽。盡焚襄河賊舟。賞二品頂戴。署湖北巡撫。賞戴花翎。旋以國藩力辭。賞兵部侍郎銜。辦理軍務。毋容署理巡撫。國藩建三路進兵策。奏言。

江漢肅清。賊之回巢抗拒者多集興國、蘄州、廣濟諸屬。自巴河至九江。節節皆有賊船。擬塔齊布由南路進攻興國、大治。湖北督臣派兵由北路進攻蘄州、廣濟。自由江路直下。與陸軍相輔爲進止。上命如所請行。國藩揚帆而下。連戰勝賊。蘄州賊來犯。再破之。會塔齊布復興國、大治。時賊以田家鎮爲巢穴。蘄州爲聲援。自州至鎮四十餘里。沿岸築土城。設礮位。對江轟擊。橫鐵鎖江上。以阻舟師。南岸半壁山、富池口。均大股悍賊駐守。舟楫往來如織。國藩計欲破田鎮。當先奪南岸。十月。羅澤南大破賊半壁山。克之。國藩部署諸將。分戰船四隊。一隊陥賊上犯。二隊備爐翦椎斧。前斷鐵鎖。賊礮船護救。三隊圍擊之。沈二艘。賊不敢近。須臾鎔液鎖斷。賊驚顧失色。率舟遁。四隊駛而下追。及於鄖穴。東南風大作。賊舟不能行。官軍圍而焚之。百里內外。火光燭天。浮尸蔽江。陸軍自半壁山呼而下。悉平田家鎮、富池口營壘。蘄州賊遁。是役也。斃賊數萬。燬其舟五千。遂與塔齊布復廣濟、黃梅、孔壠口、小池驛。上游江面肅清。

進圍九江。十二月。上以國藩調度有方。賞穿黃馬褂。賞狐腿黃馬褂。白玉搬指。白玉巴圖魯翎管。玉靶小刀。火鑊各一。國藩遣水軍攻湖口。梅家洲。以通江西餉道。大小十餘戰。銳卒二千人陷入鄱湖。爲湖口賊所扦。水軍分爲兩。五年。賊竄武昌。分股乘夜由小池口襲焚國藩戰艦。戰失利。越數日。大風復壞舟數十。國藩迺以其餘遣李孟羣、彭玉麟及胡林翼所帶陸師。回援武漢。親赴江西。造船募勇。增立新軍。連破賊姑塘、都昌。進攻湖口。大敗之。七月。塔齊布卒。國藩馳往九江。兼統其軍。八月。水軍復湖口。九月。補兵部右侍郎。九江不下。國藩以師久無功。自請嚴議。上諭曾國藩督帶水師。屢著戰功。自到九江後。雖未能迅卽克復。而鄱湖賊匪已就肅清。所有自請嚴議之處。著加恩寬免。六年。賊曾石達開竄江西。郡縣多陷。國藩馳赴省城。遣彭玉麟統內湖水師。退駐吳城。以固湖防。李元度回勦撫州。以保廣信。諸將分陦要地。先後復進賢、建昌、東鄉、豐城、饒州。連破撫州、樟樹鎮、羅溪、瓦山、吳城之賊。會同湖北援

師劉騰鴻、曾國華等。大破賊瑞州。復靖安、安義、上高。自江西達兩湖之路。賴以無梗。七年正月。復安福、新淦、武寧、瑞昌、德安。奉新軍聲大振。不一歲。石逆敗遁。江西獲安。曾國藩力也。二月十八日。丁父憂。上諭曾國藩見在江西軍務正當喫緊。古人墨經從戎。原可奪情不令回籍。惟念該侍郎素性拘謹。前因母喪未終。授以官職。具摺力辭。今丁父憂。若不令其回籍奔喪。非所以遂其孝思。著賞假三箇月。回籍治喪。俟假滿後。再赴江西督辦軍務。尋固請終制。上諭曾國藩本以母憂守制在籍。奉諭幫辦團練。當賊氛肆擾鄂皖。卽能統帶湖南船勇。墨經從戎。數載以來。戰功懋著。忠誠耿耿。朝野皆知。伊父曾麟書。因聞水師偶挫。又令伊子曾國華帶勇遠來援應。尤屬一門忠義。朕心實深嘉尙。今該侍郎假期將滿。陳請終制。並援上年賈楨奏請終制蒙允之例。覽其情詞懇切。原屬人子不得已之苦心。惟現在江西軍務未竣。該侍郎所帶楚軍。素聽指揮。當茲勦賊喫緊。亟應假滿回營。力圖報效。曾國藩身膺督兵重

任。更非賈楨可比。著仍遵前旨。假滿後。卽赴江西督辦軍務。並署理兵部侍郎。以資統率。俟九江克復。江面肅清。朕必賞假。令其回籍營葬。俾得忠孝兩全。毫無餘憾。該侍郎殫心事主。卽以善承伊父教忠報國之誠。當爲天下後世所共諒也。國藩復奏稱江西各營安謐如常。毋庸親往撫馭。並瀝陳才難宏濟。心抱不安。奉旨先開兵部侍郎缺。暫行在籍。守制江西。如有緩急。卽行前赴軍營。以資督率。八年五月。奉命辦理浙江軍務。移師援閩。閩匪分股竄擾江西。遣李元度破之廣豐、玉山。張運蘭復安仁。時國藩駐軍建昌。東南北三路皆賊。國藩計東路連城賊勢已衰。閩事不足深慮。北路景德鎮乃大局所關。又較南路信豐爲重。乃遣運蘭攻景德鎮。蕭啓江追勦信豐之賊。九年。啓江破賊南康。克新城墟池江賊巢。遂復南安。解信豐圍。賊竄湖南。將由粵黔入蜀。國藩隨檄啓江馳赴吉安。援應湖南。運蘭復景德鎮。浮梁縣江西肅清。餘賊竄皖南。國藩奉命防蜀。行至陽邇。奉諭以皖省賊勢日張。飭籌議由楚分路。

勦辦國藩回駐巴河。簡核軍實。因奏言自洪楊內亂。鎮江克復。金陵逆首凶燄久衰。徒以陳玉成往來江北。勾結捻匪。廬州、浦口、三河等處。迭挫我師。遂令皖北之糜爛日廣。江南之賊糧不絕。欲廓清諸路。必先破金陵。欲破金陵。必先駐重兵滁和。而後可去江寧之外屏。斷蕪湖之糧路。欲駐兵滁和。必先圍安慶。以破陳逆之老巢。兼搗廬州。以攻陳逆所必救。進兵須分四路。南則循江而下。一由宿松、石牌規安慶。一由太湖、潛山規桐城。北則循山而進。一由英山、霍山攻舒城。一由商城、六安規廬州。南軍駐石牌。則與楊岳斌、黃石礮之師聯爲一氣。北軍至六安。則與壽州之師聯爲一氣。國藩請自規安慶。多隆阿、鮑超取桐城。胡林翼取舒城。李續宜規廬州。奏入。上是之。十年二月。賊酋陳玉成犯太湖。國藩分兵破之。四月。賞兵部尙書銜。署兩江總督。六月。補兩江總督。以欽差大臣督辦江南軍務。七月。命皖南軍務統歸國藩督辦。十一年。國藩進駐祁門。督飭楊岳斌、彭玉麟、曾國荃、鮑超等。水陸夾擊。爲逐層掃蕩。

之計。先後復黟縣、都昌、彭澤、東流、建德、休寧、徽州、義寧。悍賊數萬據安慶。久不下。曾國荃、多隆阿等圍之。陳玉成來援。諸軍擊走之。拔其城。賊無脫者。進復池州、鉛山。無爲銅陵及泥汊、神塘河。運漕東關各隘。賞太子少保銜。命統轄江蘇、安徽、江西、浙江四省軍務。巡撫提鎮以下悉歸節制。國藩力辭。上不許。諭曰。前命曾國藩以欽差大臣節制江浙等省。巡撫提鎮以一事權。曾國藩自陳任江督後。於皖則無功可敍。於蘇則負疚良多。并陳用兵之要。貴得人和。而勿尙權勢。貴求實際。而勿爭虛名。懇請收回成命。朕心深爲嘉許。仍諭令節制四省以收實效。曾國藩復陳下情。言見在諸路出師。將帥聯翩。威柄太重。恐開斯世爭權競勢之風。兼防他日外重內輕之漸。足見謙卑遜順。慮遠思深。得古大臣之體。在曾國藩遠避權勢。自應如此存心。而國家優待重臣。假以事權。從前本有成例。曾國藩曉暢戎機。公忠體國。中外咸知。當此江浙軍務喫緊。生民塗炭。我兩宮皇太后孜孜求治。南望增憂。若非曾國藩之惓忱。

真摯。豈能輕假事權。所有四省巡撫提鎮以下各官。仍歸節制。該大臣務以軍事爲重。力圖攻勦。以拯斯民於水火之中。毋再固辭。先是賊圍杭州。國藩迭奉援浙之命。咨令太常寺卿左宗棠統軍入浙。檄派張運蘭、孫昌國等水陸各營。均歸調度。以厚兵力。並撥給錢漕釐金。以清所部積欠。因奏稱左宗棠前在湖南撫臣駱秉章幕中。贊助軍謀。兼顧數省。其才實可獨當一面。懇請明降諭旨。令左宗棠督辦浙江全省軍務。上以浙江巡撫王有齡及江蘇巡撫薛煥不能勝任。著曾國藩察看具奏。並迅速保舉人員。候旨簡放。國藩奏言蘇浙兩省。羣賊縱橫。安危利鈍。繫于巡撫一人。王有齡久受客兵挾制。難期振作。欲擇接任之人。自以左宗棠最爲相宜。惟此時杭州被困。必須王有齡堅守於內。左宗棠救援於外。俟事勢稍定。乃可更動。至江蘇巡撫一缺。目前實無手握重兵之人可勝此任。查有臣營統帶淮揚水師之福建延建邵遺缺道員李鴻章。勁氣內斂。才大心細。若蒙聖恩將該員擢署江蘇巡撫。臣再撥

給陸軍。便可馳赴下游。保衛一方。至是杭州失守。國藩復奏陳補救之策。一、擬令各軍堅守衢州與江西之廣信、皖南之徽州。爲犄角之勢。先據形勝。扼賊上竄。左宗棠暫於徽、衢、信三府擇要駐紮。相機調度。總須先固江西、皖南邊防。保全完善之地。再籌進勦。一、請於浙江藩臬兩司內。將廣西按察使蔣益澧調補一缺。飭帶所部五六千人赴浙。隨左宗棠籌辦防勦。可收指臂之助。一、浙江省兵勇特寧紹爲餉源。今全省糜爛。無可籌畫。懇恩飭下廣東粵海關、福建閩海關。按月協撥銀兩。交左宗棠。以資軍餉。奏入。上皆如所請行。同治元年正月。命以兩江總督協辦大學士。國藩奏言自去秋以來。疊荷鴻恩。臣弟國荃。又拜江浙按察使。求皇上念軍事之靡定。鑒微臣之苦衷。金陵未克以前。不再加恩於臣家。又前此疊奉諭旨。飭保薦江蘇、安徽巡撫。復蒙垂詢閩省督撫。飭臣保舉大臣。開列請簡。封疆將帥。乃朝廷舉措之大權。如臣愚陋。豈敢干

預。嗣後如有所知。堪膺疆寄者。隨時恭疏入告。仰副聖主旁求之意。但泛論人才。以備採擇則可。指明某缺。徑請遷除則不可。蓋四方多故。疆臣既有征伐之權。不當更分黜陟之柄。風氣一開。流弊甚長。辨之不可不早。尋遣將擊走徽州、荻港之賊。復青陽、太平、涇縣、石埭。國荃會同水師。復巢縣、含山、和州。並銅陵閘、雍家鎮、裕溪口、西梁山四隘。弟貞幹復繁昌、南陵。破賊三山、魯港。上以國藩前奏情詞懇摯。出於至誠。不再加恩。而進國荃、貞幹等職。國藩駐安慶督師。奏請仍建安徽省會於安慶。設長江水師提督以下各官。指授諸將機宜。以次規取皖南北府縣各城。國荃率師進圍金陵。蘇浙賊酋李秀成等分道來援。大小數十戰。力郤之。二年五月。復江浦。浦口克九洑洲。長江肅清。因淮南運道暢通。籌復鹽務。改由民運。奏陳疏銷輕本保價、杜私之法。三年正月。官軍克鍾山。合圍金陵。六月。金陵平。上諭曾國藩自咸豐四年在湖南首倡團練。創立舟師。與塔齊布、羅澤南等屢立戰功。保全湖南郡縣。克復武漢等。

城。肅清江西全境。東征以來。由宿松克潛山。太湖進駐祁門。迭復徽州郡縣。遂拔安慶省城。以爲根本。分檄水陸將士。規復下游州郡。茲大功告成。逆首誅鋤。由該大臣籌策無遺。謀勇兼備。知人善任。調度得宜。曾國藩著加恩賞。加太子太保銜。錫封一等侯爵。世襲罔替。并賞戴雙眼花翎。浙江巡撫曾國荃。賞加太子少保銜。錫封一等伯爵。并賞戴雙眼花翎。將士進秩有差。時捻匪倡亂日久。僧格林沁戰歿於曹州。賊勢日熾。四年四月。命國藩赴山東一帶督兵剿辦。捻匪山東、河南、直隸三省旗綠各營。及地方文武員弁。均歸節制。調遣國藩將赴徐州督師。乃招集新軍。添練馬隊。檄調劉松山、劉銘傳、周盛波、潘鼎新諸軍會剿。五月。賊竄雉河集。國藩駐臨淮關。遣兵擊走之。先後奏言。此賊已成流寇。飄忽靡常。宜各練有定之兵。乃足以制無定之賊。臣由臨淮進兵。將來安徽。各駐大兵。爲重鎮。一省有急。三省往援。其援軍之糧藥。卽取給於受援。

之地。庶幾往來神速。呼吸相通。時捻、曾、張、總、愚、任、柱、牛、落、紅、及、髮、逆、賴、汝、光。擁衆十數萬。倏分倏合。八月。國藩遣銘傳敗之潁州。賊東走曹州。國藩檄鼎新力阨運河。派軍馳赴山東助剿。賊不能渡運。遂南走徐州。踞豐沛、銅山境內。九月。國藩遣李照慶、鼎新敗之徐州、豐縣。賊復竄山東。十月。盛波、銘傳敗之寧陵、扶溝。賊竄陷湖北黃陂。五年正月。國藩遣銘傳破之。復其城。任逆回竄沈邱。將踞蒙毫老巢。遣銘傳、盛波擊之。張逆分股入鄆城。三月。銘傳、張樹珊敗之潁州、周口。羣賊合踞濮、范、鄆、鉅間。諸軍擊破之。張逆趨單縣。任逆走靈璧。國藩駐徐州。修浚運河。以固東路。五月。遣諸將敗張逆於洋河、王家林。敗任逆於永城、徐州。時賊自二月北竄。堅圖渡運。徘徊曹、徐、淮、泗者兩月有餘。迄不得逞。於是張逆入豫。任逆入皖。國藩遣盛波大破牛逆於陳州。敗任賴二逆於烏江河。樹珊敗張逆於周口。牛張二逆。渡沙河而南。任賴二逆。亦竄渡賈魯河。國藩以前防守運河。粗有成效。必仿照於沙河設防。俾賊騎稍有遮攔。

庶軍事漸有歸宿。定議自周家口下至槐店。阨守沙河。上至朱仙鎮。阨守賈魯河。因奏言河身七百餘里。地段太長。不敢謂防務既成。百無一失。然臣必始終堅持此議。不以艱難而自畫。不以浮言而中更。以求有裨時局。自古辦流寇本無善策。惟有防之使不得流。猶是得寸則寸之道。俟河防辦成。則令防河者與游擊者。彼防此戰。更番互換。庶足以保障新之氣。六月。遣松山、張詩日大破賊於上蔡、西華。賊由河南巡撫所派防軍汛地逸出東竄。河防無成。七月。遣松山、宋慶大破之南陽、新野。九月。銘傳鼎新破之鄆城。運防賴以無恙。國藩自陳病狀。七月。上命國藩仍回兩江總督本任。以李鴻章代辦剿捻事宜。國藩請以散員留營自效。奏言朝廷體恤下情。不責臣以治軍。但責臣以籌餉。不令留營勉圖後效。但令回署調理病軀。臣屢陳病狀。求開各缺。若爲將帥則辭之。爲封疆則就之。則是去危而就安。避難而趨易。臣內度病體。外度大義。減輕事權則可。竟回本任則不可。故前兩次奏稱。但求開缺。不求離營。

蓋自抱病以來。反復籌思。必出於此。然後心安理得。請開江督各缺。目
下仍在周口軍營照料一切。維湘淮之軍心。聯將帥之情誼。凡臣材力
所可勉。精神所能到。必殫竭愚忱。力圖補救。斷不因兵符已解。稍涉疏
懈。致乖古人盡瘁之義。上諭曾國藩請以散員仍在軍營自效之處。具
徵奮勉圖功。不避艱難之意。惟兩江總督責任綦重。湘淮各軍尤須曾
國藩籌辦接濟。與前敵督軍同爲朝廷所倚賴。該督忠勤素著。且係朝
廷特簡。正不必以避勞就逸爲嫌。致多過慮。著遵奉前旨。仍回本任。以
便李鴻章酌量移營前進。並免後顧之憂。國藩復奏陳江督之繁。非病
軀所能勝任。與其勉強回任。辜恩溺職。不如量而後入。避位讓賢。籲請
仍開各缺。上諭前因曾國藩患病未痊。軍營事繁。特令回兩江總督本
任。以資調攝。並因請以散員自效。復疊次諭令迅速回任。俾李鴻章得
以相機進剿。曾國藩爲國家心膂之臣。誠信相孚已久。當此捻逆未平。
後路糧餉軍火。無人籌辦。豈能無誤事機。曾國藩當仰體朝廷之意。爲

國家分憂。豈可稍涉疑慮。固執己見。著卽懷遵前旨。尅期回任。俾李鴻章得以專意剿賊。迅奏膚功。該督回任以後。遇有湘淮軍事。李鴻章仍當虛心咨商。以期聯絡。毋許再有固請。用慰屢念。國藩回任後六年。奏稱製造輪船爲救時要策。請將江海關洋稅酌留二成。一成爲專造輪船之用。一成酌濟淮軍及添兵等事。從之。七月。補授體仁閣大學士。仍留兩江總督任。十二月。捻匪平。賞雲騎尉世職。七年四月。補武英殿大學士。七月。調直隸總督。十二月到京。賞紫禁城騎馬。八年二月。查明積澇大窪地畝。應徵糧賦。請分別轄減。從之。三月。奏直隸刑案積多。與臬司張樹聲力籌清釐。甫有端緒。張樹聲見調任山西。請暫留畿輔一年。以清積案。上諭曾國藩到任後。辦事認真。於吏治民風。實心整頓。力挽敝習。著如所請。俾收指臂之助。又先後二次查明屬員優劣。開單具奏。得旨分別嘉勉降革。以肅吏治。時直隸營務廢弛。廷議選練六軍。上諭國藩將前定練軍章程妥籌經理。五月。國藩奏言。臣見內外臣工章奏。

於直隸不宜屯留客勇一節。言之詳矣。惟養勇雖非長策。而東南募勇多年。其中亦有良法美意。爲此練軍所當參用者。一曰文法宜簡。勇丁樸誠耐苦。不事虛文。營規祇有數條。別無文告。管轄祇論差事。不計官階。挖濠築壘。刻日而告成。運米搬柴。崇朝而集事。兵則編籍入伍。伺應差使。講求儀節。及其出征。則行路須用官車。紮營須用民夫。油滑偷惰。積習使然。而前此所定練軍規制。至一百五十餘條之多。雖士大夫不能驟通而全記。文法太繁。官氣太重。此當參用勇營之意者也。一曰事權宜專。一營之權。全付營官。統領不爲遙制。一軍之權。全付統領。大帥不爲遙制。近來江楚良將爲統領時。卽能大展其才。縱橫如意。皆由事督派撥。下有翼長分其任。上有總督攬其全。統領並無進退人才總督餉項之權。一旦驅之赴敵。羣下豈肯用命。加以總理衙門。戶部。兵部。層層檢制。雖良將亦瞻前顧後。莫敢放膽任事。又焉能盡其所長。此亦當

參用勇營之意者也。一曰情意宜洽。勇營之制。營官由統領挑選。哨弁由營官挑選。什長由哨弁挑選。勇丁由什長挑選。譬之木焉。統領如根。由根而生幹。生枝。生葉。皆一氣所貫通。是以口糧雖出自公款。而勇丁感營官挑選之恩。皆若受其私惠。平日既有恩誼。相孚。臨陣自能患難相顧。今練軍之兵。離其本營。本汛。調入新哨。新隊。其挑取多由本營主政。新練之營官。不能操去取之權。而又別無優待。親兵獎拔。健卒之柄。上下隔閡。情意全不相聯。緩急豈可深恃。此雖欲參用勇營之意。而勢有不能者也。又聞各營練軍。皆有名頂替之弊。防不勝防。蓋兵丁因口分不足自給。每兼小貿手藝營生。此各省所同也。直隸六軍。以此處之兵調至他處訓練。其練餉二兩四錢。在練營支領。底餉一兩五錢。仍 在本營支領。兵丁不願離鄉。往往仍留本處。於練營左近。僱人頂替。應點應操。一遇有事。遠征受僱者。又不肯行。則轉僱乞丐。窮民代往。兵止一名。人已三變。練兵十人。替者過半。尙安望其得力。今當講求變通之

方。自須先杜頂替之弊。擬嗣後一兵挑入練軍。卽裁本營額缺。練軍增一兵。底營卽減一兵。無論底餉練餉。均歸一處支放。或因事斥革。卽由練營募補。底營不得干預。冀可少變積習。此外尙須有酌改。如馬隊不應雜於步隊各哨之內。應另立馬隊營。使臨敵不至溷亂。一隊不應增至二十五人。仍爲什人一隊。使士卒易知易從。若此之類。臣本擬定一簡明章程。重整練軍。練足萬人。以副朝廷殷勤訓飭之意。其未挑入練者。各底營存餘之兵。亦須善爲料理。未可聽其困窮墮壞。擬略仿浙江減兵增餉之法。不必大減兵額。但將老弱者汰而不補。病故者闕而不補。卽以所節餉項。量發歷年底營欠款。俾各營微有公費。添製器械旗幟之屬。庶足壯觀瞻而作士氣。數年後。或將當日之五折七折八折者。全數賞發。兵丁之入練軍者。所得固優。卽留底營者。亦足自贍。營務或漸有起色。而畿輔練軍之議。亦不至屢作屢輟。事同兒戲。請敕原議各衙門核議施行。尋飭國藩籌定簡明章程。奏報定議。國藩奏言。臣維用

兵之道。隨地形賊勢而變焉者也。初無一定之規。可泥之法。或古人著續之事。後人效之而無功。或今日制勝之方。異日狃之而反敗。惟知陳迹之不可狃。獨見之不可恃。隨處擇善而從。庶可常行無弊。卽就紮營一事言之。湘勇初出。屢爲粵匪所破。旣而高壘深濠。先圖自固。旋卽用以制敵。淮勇繼起。亦以深溝高壘爲自立之本。善紮營者。卽稱勁旅。後移師勦捻。每日計行路遠近。分各營優劣。曾無築壘挖濠之暇。而營壘之堅否。於勝敗全不相涉。陝甘勦回。貴州平苗。亦不以此爲先務。足知兵勢之無常矣。然斯乃古來之常法。終未可棄而不講。臣愚以爲直隸練軍。宜添學紮營之法。每月拔營一次。行二三百里爲率。令兵丁修壘浚濠。躬親畚築。以習勞勤。不坐差車。以慣行走。增募長夫。以任樵汲負重之事。至部臣所議。兵丁宜講衣冠禮節。臣意老營操演。可整冠束帶以習儀文。拔營行走。仍帕首短衣以歸簡便。凡此皆一張一弛。擇善而從者也。臣前摺所請重統領之權者。蓋因平日事權不一。則臨陣指麾

不靈。臣在南中。嘗見有巡撫大帥。所部多營。平日無一定之統領。臨時酌撥數營。派一將統之赴敵。終不能得士卒死力。而江楚數省倅獲成功者。大抵皆有得力統領。其權素重。臨陣往來指揮。號令進退之人。卽平日撥餉挑缺。主持賞罰之人。士卒之耳目有專屬。心志無疑貳。是以所向有功。臣所謂事權宜專。本意如此。然亦幸遇塔齊布、羅澤南、李續賓、楊岳斌、多隆阿、鮑超、劉銘傳、劉松山諸人。或隸臣部。或隸他部。皆假重權而樹偉績。苟非其人。權亦未可概施。部臣所議得良將則日起有功。遇不肖則流弊不可勝言。洵爲允當之論。良將者。可倚遇而不可強求者也。嗣後直隸練軍統領。臣當悉心察看。遇上選則破格優待。盡其所長。遇中材則隨處防維。無使越分。庶幾兩全之道。部臣復議及兵將相習。可收一氣貫通之效。又言轉弱爲強。不必借才於異地等語。臣竊意就兵言之。斷無令外省客勇充補之理。客勇亦無願補遠省額兵之志。就官言之。則武職自一命以上至提鎮。皆可服官外省。况畿輔萬方

輜輶尤志士願效馳驅之地。是各路將弁有出色者。皆可酌調來直。不得以借才論。直隸練軍。詢諸衆論。不外二法。一曰就本管之鎮將。練本管之弁兵。一曰調南人之戰將。練北人之新兵。訪聞前此六軍。用本管鎮將爲統領者。其情易通。而苦閭營無振作之氣。用南人戰將爲統領者。其氣稍盛。而苦上下無聯絡之情。將欲救二者之弊。氣之不振。本管官或不勝統率之任。當察其懈弛。擇人而換之。情之不聯。南將或不知士卒之艱。當令其久處。積誠以感之。臣今擬於前留四千人外。先添三千人。稍復舊觀。一於古北口暫添千人。該提督傅振邦老於戎行。安詳勤慎。一於正定鎮暫練千人。該總兵譚勝達勇敢素著。志氣方新。皆以本管官統之者也。一於保定暫添千人。令前瓊州鎮彭楚漢以南將統之。以中軍冷慶所轄千人。姑分兩起。俟查驗實在得力。而後合併一軍。此因論兵將相孚而擬目前添練之拙計也。至練軍規模。臣仍擬以四軍爲斷。二軍駐京北。二軍駐京南。每軍三千人。統將功效尤著者。或添

至四五千人。請旨交各衙門覆議。先行試辦。俟試行果有頭緒。然後奏定簡明章程。俾各軍一律遵守。奏入允之。其後以直隸練軍有效。他省仿而行之。營務爲之一振。自國藩始。九年五月。通商大臣崇厚奏。天津民人因迷拐幼孩匪徒。有牽涉教堂情事。毆斃法國領事官。焚燬教堂。上命國藩赴天津查辦。國藩奏言。各省打毀教堂之案。層見迭出。而毆斃領事洋官。則從來未有之事。臣但立意不欲與之開衅。準情酌理。持平結案。使在彼有可轉圜之地。庶在我不失柔遠之方。尋奏誅爲首滋事之人。將辦理不善之天津府縣。革職治罪。因陳時事雖極艱難。謀畫必須斷決。伏見道光庚子以後。辦理夷務。失在朝戰夕和。無一定之計。遂至外患漸深。不可收拾。皇上登極以來。守定和議。絕無改更。用能中外相安。十年無事。津郡此案。因愚民一旦憤激。致成大變。初非臣僚有意挑畔。朝廷昭示大信。不開兵端。此實天下生民之福。以後仍當堅持一心。曲全鄰好。以爲保民之道。時時設備。以爲立國之本。二者不可偏

廢。八月。調兩江總督。國藩瀝陳病狀。請另簡賢能。開缺調理。上諭兩江事務殷繁。職任綦重。曾國藩老成宿望。前在江南多年。情形熟悉。措置咸宜。見雖目疾未痊。但得該督坐鎮其間。諸事自可就理。該督所請。另簡賢能之處。著無庸議。十一月。命充辦理通商事務大臣。十年。以楚岸淮南引地爲川鹽侵占。與湖廣總督定議。與川鹽分岸行銷。奏請武昌、漢陽、黃州、德安四府專銷淮鹽。安陸、襄陽、鄖陽、荊州、宜昌、荊門五府一州。暫行借銷川鹽。湖南巡撫請於永寶二府試行官運粵鹽。國藩復力陳三府引地不必改運。部議皆如所請。十一年二月卒。遺疏入諭曰。大學士兩江總督曾國藩。學問純粹。器識宏深。秉性忠誠。持躬清正。由翰林院蒙宣宗成皇帝特達之知。洊升卿貳。咸豐間創立楚軍。勦辦粵匪。轉戰數省。疊著勳勞。文宗顯皇帝優加擢用。補授兩江總督。命爲欽差大臣。督辦軍務。朕御極後。簡任綸扉。深資倚任。東南底定。厥功最多。江寧之捷。特加恩賞給一等毅勇侯。世襲罔替。並賞戴雙眼花翎。歷任兼

折。於地方利病。盡心籌畫。實爲股肱心膂之臣。方冀克享遐齡。長承恩眷。茲聞溘逝。震悼良深。曾國藩著追贈太傅。照大學士例賜卹。賞銀三千兩治喪。由江寧藩庫給發。賜祭一壇。派穆騰阿前往致祭。加恩予謚文正。入祀京師照忠祠。賢良祠於湖南原籍、江寧省城。建立專祠。其生平政績事實。宣付史館。任內一切處分。悉予開復。應得卹典。該衙門查例具奏。靈柩回籍時。著沿途地方官妥爲照料。其一等侯爵。卽著伊子曾紀澤承襲。毋庸帶領引見。其餘子孫幾人。著何璟查明具奏。候旨施恩。尋湖廣總督李瀚章。安徽巡撫英翰。署兩江總督何璟。奏陳國藩歷年勳績。李瀚章奏略云。國藩初入翰林。卽與故大學士倭仁。太常寺卿唐鑑。徽寧道何桂珍。講明程朱之學。克己省身。得力有自。遭值時艱。毅然以天下自任。死生禍福。置之外度。其過人識力。在能堅持定見。不爲浮議所搖。用兵江皖。陳四路進攻之策。勦辦捻匪。建四面蹙賊之議。其後成功。不外乎此。英翰奏略云。自安慶克復後。國藩督軍駐紮。整吏治。

撫瘡痍。培元氣。訓屬寮若子弟。視百姓如家人。生聚教養。百廢具舉。至今皖民安堵。皆國藩所留貽。一聞出缺。士民奔走。婦孺號泣。以遺愛言。自昔疆臣湯斌、于成龍而後。未有若此感人之深者。何璟奏略云。咸豐十年。國藩駐祁門。皖南北十室九空。自金陵至徽州八百餘里。無處無賊。無日無戰。徽州初陷。休祁大震。或勸移營他所。國藩曰。吾初次進兵。遇險卽退。後事何可言。吾去此一步。無死所也。賊至環攻。國藩手書遺囑。帳懸佩刀。從容布置。不改常度。死守兼旬。檄鮑超一戰。驅之嶺外。以十餘載稽誅之狂寇。國藩受鉞四年。次第蕩平。皆因祁門初基不怯。有以寒賊膽而作士氣。臣聞其昔官京師。卽已留心人物。出事戎軒。尤勤訪察。雖一材一藝。罔不甄錄。又多方造就以成其才。安慶克復。則推功於胡林翼之籌謀。多隆阿之苦戰。金陵克復。又推功諸將。無一語及其弟國荃。談及僧親王及李鴻章、左宗棠諸人。皆自謂十不及一。清儉如寒素。廉俸盡充官中用。未嘗置屋一廬。田一區。食不過四簋。男女婚嫁。

不過二百金。垂爲家訓。有唐楊綰宋李沆之遺風。其守之甚嚴而持之有恆者。曰不誑語。不晏起。前在兩江任內。討究文書。條理精密。無不手訂之章程。點竄之批牘。前年回任。感激聖恩高厚。仍令坐鎮東南。自謂稍有息安。負疚滋重。公餘無客不見。見必博訪周諮。殷勤訓勵。於僚屬之賢否。事理之源委。無不默識於心。其患病不起。實由平日事無巨細。必躬必親。殫精竭慮所致也。上諭據何璟、英翰、李瀚章先後臚存。曾國藩歷年勳績。英翰、李瀚章並請於安徽、湖北省城。建立專祠。又據何璟遵查該故督子孫詳晰覆奏。披覽之餘。彌增悼惜。曾國藩器識過人。盡瘁報國。當湘鄂江皖軍務棘手之際。倡練水師。矢志滅賊。雖屢經困阨。堅忍卓絕。曾不少移。卒能萬衆一心。削平捕寇。功成之後。寅畏小心。始終罔懈。其薦拔賢才。如恐不及。尤得以臣事君之義。忠誠克效。功德在外。立功省分。并著准其一體建立專祠。伊次子附貢生曾紀鴻。伊孫曾

曾文正公國史本傳

附錄

三十二

廣鈞。均著賞給舉人。准其一體會試。曾廣銘著賞給員外郎。曾廣銓著賞給主事。俟及歲時。分部學習行走。何璟、李瀚章、英瀚摺三件。均著宣付史館。用示曉念勛臣。有加無已至意。欽此。

全書一冊

國民淺訓

是書都凡十三章。語語淺顯。

字字精當。凡國民不可不知之理。與夫不可不盡之責任。無不詳細解說。示國民以途徑。吾國歷來不完全之見解。自窒進步之積習。無不究其病之所由來。窮其弊之所終極。痛下針砭。俾國民知幡然改革之不容已。全國國民能率而行之。斯不愧爲共和國之國民矣。

商務印書館發行

元(434)

Golden Sayings Selected from Tseng Kuo-fan's Writings

The Commercial Press, Limited
All rights reserved

中華民國十五年五月十版

回(曾文正公嘉言鈔一冊)

(每冊定價大洋肆角)

(外埠酌加運費匯費)

著作者 新會梁啓超
發行者 商務印書館

印刷所 上海棋盤街中市

總發行所 商務印書館

分 售 處 商務印書分館

北京天津保定奉天吉林長沙
濟南太原開封西安南京杭州
蘭谿安慶蕪湖南昌漢口
常德衡州成都重慶廈門福州
廣州潮州香港梧州雲南貴陽
張家口新嘉坡

民國五年七月廿八日稟部註冊八月廿六百三十九號執照

▲全書四冊

青年修養錄

▲定價六角

▲全書四冊

古今格言

▲定價五角五分

選輯古人嘉言懿行。分德目一十有八。務取日常行事。足爲模範而可實踐者。引據古人著述。凡百餘種。高遠之論。偏激之行。與現世情事不相合者。概不採錄。誠有功於青年修學修養之書也。

專輯古今聖哲名言。及寓意之語。引譬之文。接經史子集。分四十餘類。仍按時代先後爲序。每條詳註篇目。間附註釋。可作青年之寶鑑。亦可備作文之資料。

行發書館印務

集.....遺.....坡.....松

四
角

一
冊

曾胡治兵語錄

是書爲曾文正
胡文忠二公治
兵言論。經蔡公
坡先生採輯。
華以行於世。梁
任公先生爲之
序。至謂松坡先
生之事功。皆一
公之事功。可見
是書之價。

曾文正公嘉言鈔

一冊 四
角

氏曾
經史百家簡編
少

十二册

正公
書

二冊三

五
角

牘

四
冊
六
角

